



行素州堂金石叢書

7104  
838

部 = : 28





漢石例卷之二

寶應劉寶楠錄

石埭徐士愷子靜  
吳縣朱記榮懋之校字

墓碑例

碑文渾書先世高曾祖父不名例

童子逢盛碑薄令之元孫遂成君之曾孫安平君之孫

五官掾之長子也

金石錄 豫州從事尹宙碑東平相  
之元會稽太守之曾省孫字不可為

法

此渾書四世也其有渾書三世者太尉橋公碑碑云

臚之曾孫廣川相之孫東萊元儒先生婁壽碑碑云

太守之元子也 蔡中郎集父攸春秋以大夫侍講至五官中郎將祖父太常博

士徵朱爵司馬親父安貧守賤不可榮以祿 隸釋渾書二世者司空文烈侯楊公碑碑云太尉公之胤子

太守胡公碑碑云交阯都尉之孫汝南周巨勝碑碑云

陳留太守之孫袁滿來碑之子並見蔡中郎集

隸釋幽州刺史朱龜碑渾書二世一為遠祖一為近

代者孔德讓碑碑云宣尼公二十世孫都博陵太守

孔彪碑碑云孔子十九世之孫穎川君之元子也隸釋渾書二世及世父叔

父者議郎元賓碑碑云魯相之孫成德關東安平令

也隸釋渾書二世及兄弟者涪于長夏承碑碑云東萊

太守將弟也金石錄渾書一世者太傅文恭侯胡公

碑碑云交阯都尉之元子金城太守殷君碑碑云大匠

文苑古太尉陳球碑碑云廣漢太守之元子也隸釋郎中鄭固孝廉柳敏車

相騎將軍馮緄沛渾書一世但書遠祖者泰山都尉孔

宙碑碑云孔子十九世渾書一世及兄弟者費鳳別

碑碑云梁相之元子九督郵斑碑碑云司吾君少子

見隸釋然古人臨文不諱豈以不稱其先世名為敬哉

使其先世無所表見而子孫金石之文又不載其名

字豈孝子慈孫顯揚褒大之意哉撰文者權其先世

顯晦或名或不名可也金石錄曰漢時碑碣載其家

銘不欲名其祖父最為得體然非當代顯人遂莫知

其為何人也容齋三筆碑誌之作本孝子慈孫欲

以稱揚其父祖之功德播之當時而垂之後世當直

存其名字無所避隱然東漢諸君之孫太尉掾之多

官如涪于長夏承碑云東萊州太守曾孫謁者孫

漢太尉楊公碑姬姓之國有楊侯者公其後也其在漢室赤泉侯佐高丞相翼宣威以盛德光于前朝祖司徒考太尉繼跡宰司咸有勛烈蔡中郎集

先敘遠祖後敘近代遠祖名近代不名例

太尉楊公碑其先蓋周武王之穆晉唐叔之后也末葉以支子食邑于楊因氏焉周室既微裔胄無緒暨漢興烈祖楊喜佐命征伐封赤泉侯嗣子業紱冤相繼公之不考以忠蹇亮弼輔孝安登司徒太尉蔡中郎集下同

太尉汝南李公碑蓋秦將李信之後孝武大將軍廣之曹也枝流葉布家于茲上文武繼踵世為著姓曾祖父江夏太守伯父東郡太守此近代兼及伯父不別為例

彭城姜伯淮碑其先出自帝胤在皇唐蓋與四岳共葉能禮於神舜命秩宗爰封于呂其裔呂望佐周克殷俾侯齊國姓有姜氏即其後也高祖祖父皆豫章太守穎陰令

右例竹邑侯相張壽司隸校尉魯峻等碑略同並見隸釋

又有同是近代高祖名祖父不名者太尉橋公廟碑碑云橋氏之先出自黃帝帝葬于橋山子孫之紹基立姓者咸以為民漢興世以禮樂為業高祖諱仁位至大鴻臚列名於儒林祖侍中廣高祖及父皆不名川相考東萊太守蔡中郎集

高祖稱官父稱字者戚伯著碑碑云勃海君元孫季景長子也

又有遠祖字近代名者元文先生李子材碑碑云其先李伯陽周柱下史觀衰世而遁焉其後雄俊豪傑往往岷岷出自戰國及漢名臣繼踵支胄散逸其遷于宛尚矣

王莽竊位漢祚中移考翼佐世祖匡復郊廟不書遠錫封茅土卿相牧守于時相逐蔡中郎集

祖近代但書祖字而不名者司理校尉楊淮碑碑云

隸孟文之元隸釋書遠祖不書近代但書兄遠祖名兄不

名者金鄉長侯成碑碑云其先出自幽岐周文之後

宣多日功佐國要盟齊魯嘉會自邠因曰為家焉漢

之興也侯公納策濟太皇於鴻溝之阨諡曰安國

君曾孫酺封明統侯光武中興元孫霸為臨淮太守

擁兵從光武平定天下轉拜執法右刺姦五威司命

或邑山濟君則上黨太守之弟同上有遠近

名有顯晦故或書或不書附錄於此不別為例

先敘近代後敘遠祖俱不名例

陳留太守胡公碑交阯都尉之孫太傅安鄉侯少子也

其先與楚同姓別封于胡以國為氏臻乎漢奕世載德

不替舊勳蔡中郎集

北軍中侯郭仲奇碑元城君之第四子其先蓋周之胄

緒虞郭建國享土受胙政衰道失晉克其邦遭癘項之

際高祖初起運天符命序秦擿楚遂定漢基枝葉雲布

列於國郡隸釋

隸釋郎中馬江碑廣漢屬國侯李翊碑略同

先敘近代後敘遠祖近代不名遠祖名例

鴻臚陳君碑君太丘君之元子也始祖有虞受禪陶唐

亦以命禹其後媯滿當周武王時祚土于陳君其世也

太尉陳球後碑君廣漢太守之元子也蓋周存六代媯古文苑

滿繼虞建國于陳還完徂齊實為陳氏公下闕父自營州來宅海淮世就典籍兼通勤海振裘褐即徵聘答宰司荷顯貢者繼世而傳焉釋

先敘近代旁及伯叔兄弟子姓俱不名後敘遠祖名例

安平相孫根碑司空公之伯子樂安太守之兄子漢陽太守侍御史之兄乘氏令之考厥先出自有殷元商之系子湯之苗聖武定周封比干之墓脣裔分析避地匿軌姓曰孫焉金石錄

金石錄曰姓苑姓纂皆云孫氏衛武公子爾為衛上卿因氏焉此碑云比干之後蓋古人或因賜姓命氏

或以官或以封或以居或以王父字為氏故姓氏雖

同而源流或異 碑文有先敘近代旁及兄弟不及

伯叔子姓俱不名後敘遠祖名者小黃門譙敏碑碑云

鄰君之中子章君之弟郎中君之昆也其先故國師譙贛深明與譙識錄圖緯能精徹天意傳道與京君明君承厥後不又有先世書字兄弟書名者斥彰長其美碑云祖字與先為執金吾附錄於此不別為例弟麗漁陽太守金石錄

敘遠祖不敘近代遠祖名例

文範先生陳仲弓碑其先出自有虞氏中葉當周之盛

德有媯滿者武王配以太姬而封諸太昊之墟是為陳

胡公春秋之末失其爵土遂以國氏焉世督懿德令聞

不顯蔡中郎集下同

漢石例卷之二  
貞節先生范史雲碑先生陶唐氏之後也其在周室有士會者爲晉大夫以受范邑遂以爲氏漢文景之際爰自南陽來家于成安生惠延熹二年官至司徒廷尉君則其後也

瑯琊王傅蔡公碑蓋倉頡之精增姬稷之末胄也昔叔度文王之昭建侯于蔡以國氏焉迄于平襄周祚微缺王室遂卑齊晉交爭強楚侵陵昭侯徙于州來公族分遷氏家于圍奕葉載德常歷官尹以逮于茲

太尉楊震碑

金石錄

山陽太守祝睦碑荆州刺史度尚

蔡中郎集

碑釋略同廟碑亦有用此例者郡掾史張元祠堂碑

是也

金石錄又載巴郡太守樊敏碑周太王文

王武王皆書名妄甚不可爲法

敘遠祖不敘近代遠祖不名例

先生郭輔碑其先出自有周王季之中子爲文王卿士

食菜

釋作采食

於號至於武王錫而封之後世謂之郭春

秋之時爲誓所并歷

釋作遭

戰國秦漢子孫派分

分

來居荆土氏國立姓焉

集古錄

詳敘先世功德書名例

國三老袁良碑厥先隣苗世爲封君周之興虞闕父典

陶正嗣滿爲陳侯至元孫濤塗初氏父字立姓曰袁魯

僖公四季爲大夫哀十一年頗作司徒其末或適齊楚

而袁生口獨留陳當秦之亂隱居河洛高祖破項實從

其冊天下既定還宅扶樂孝武征和三年生曾孫榦斬  
賊公先勇拜黃門郎封關內侯食遺鄉六百戶後錫金  
紫僊修城之艱榦薨子經嗣經薨子山嗣傳國三世至

王莽而繼君卽山之曾孫

釋

隸釋綏民校尉熊君碑略同按敘述先世稱美不稱  
惡此定例也校官碑敘其先世獨及弒君之潘崇此  
固古人直筆然華耦無故揚其先人華督之惡左氏  
譏之則校官碑固不可爲訓

詳敘先世功德不書名例

橐長蔡湛頌其先

闕

周封叔

闕

宜入

遠

祖

書

名

例

然

下

文

詳敘先世功德不書名因別爲此例

葉文王采食蔡

闕

刪

其

氏

麻

世

卿

尹

有功王室迄於大漢繼踐繁隆內任台翼外作股肱元  
初之口口口擾攘君考銜詔東掃其難宰化闕苻守吳  
郡再在口口復牧青州風聲所加口口口布愛樹之美

隸釋

隸釋巴郡太守張納敦煌長史武斑梁相費汎浚儀

令衡立諸碑略同

詳書先世功德及伯叔兄弟功德例

漢成陽令唐扶頌其先出自慶都感赤龍生堯王有天  
下大號爲唐治致雍熹尊天重民禪位虞口光受茅土  
通天三統苗胄枝分相土脈居因氏唐焉累世含祚受  
天之祐胤嗣彌光爲漢台輔君父孝廉郎中早卒季父



蜀郡從弟會稽會稽從弟南陽君從兄東萊太守南陽弟司空公在朝透隨正色竭忠爲國討暴六侯俱封受

土襲爵金縉十三

釋

北軍中候郭仲奇碑其先蓋周之胄緒虞郭建國享土受胙政衰道失晉克其邦遭癘項之際高祖初起運天苻命庠秦擿楚遂定漢基枝葉雲布列於國郡或潁川馮翊公卿校尉將相州郡令問休貴自東郡衛國家於河內汲隸釋於誤平汲誤奕世載德以臻于君君惠兄竹邑侯相次尚書侍郎次濟北相順弟臨沂長次徐州刺史次中山相次雒陽令咸以孝廉公府茂選貞亮皦白翼翼瑛彥配周之八爲國楨榦同上平都相蔣君碑及從父文多闕

書天潢先世例

酸索令劉熊碑厥祖天皇帝垂精接感篤生聖明口仍其則子之分源而流枝葉扶疏出王別胤受爵

列士相繼不顯光武皇帝之元廣陵王之孫

俞鄉子也

尉劉寬光祿勳劉曜碑略同

國戚先世例

中常侍樊安碑厥祖曰仲山父翼佐周宣出納王命爲之喉舌曰致中興食采于樊子孫氏焉奕世載德守業不愆在漢中葉篤生哲媛作合南頓寶產世祖征討叛逆復漢郊廟而樊氏以帝元舅顯受茅土封寵五國壽

張侯呂公德加位特進其次竝以高聲處鄉校侍中尚書據州典郡不可勝載為天下著姓古文苑

一人立二碑皆書名字邑里世系例

太尉劉寬碑公諱寬字文饒宏農華陰人也其先口口聖漢王侯繼次有國有號列存家序公之考乃作司徒

輔毘安順勳載二葉故吏李謙等立劉寬後碑口口口口文饒

宏農華陰人也厥祖出自口口口口臣王侯相繼遭漢中

微失其爵土世祖復阡仍有顯位光輔王室公之考作

司徒於安口口口勳績昭乎前朝門生殷苞等立 隸釋

一人立二碑一敘名字近代及遠祖一敘名字近

代不及遠祖例

陳留太守胡公碑君諱碩字季獻交阯都尉之孫太傅

安鄉侯少子也其先與楚同姓別封於胡以國為氏臻

乎漢奕世載德不替舊勳縉紳及門人立太守胡公碑君諱碩

字季獻交阯都尉之孫太傅安樂侯之子也主簿高吉等立 蔡

中郎集

左氏襄王十一年傳立胡女敬歸之子子野杜預注

胡歸姓之國又春秋昭十一年五月夫人歸氏薨杜

注胡女歸姓九月葬我小君齊歸何休公羊注歸氏

胡女史記集解引服虔曰胡歸姓之國也是胡非楚

同姓

一人立二碑皆書遠祖不書近代一載名字里一

不載名字里例

山陽太守祝睦碑君諱睦字元德濟陰太守已氏人也其先蓋高辛氏之火正以能溘曜天地曰祝融遂獲豐阜之胙輝裔昌遠大乃侯伯分仕諸夏鄭有祝聃者君其肩也未載立碑姓名祝睦後碑伊余祝君兆自蔡辛祝融苗胄承獲禎慶光裔熾藐分任六國張雄諸夏鄭有祝聃者君其肩也昔祖仕湯湯治於梁洮顛自朔家于濟陰故立王堂等隸釋

- 一人立二碑皆書名字及遠祖近代一書近代名
- 一不書近代名例

太尉陳球碑君諱球字伯真有虞氏之裔也當周盛德

有虞遏父為陶闕下公生公子完適齊為桓公公正其後

强大遂有齊土楚漢之闕下官生毛有令名廣漢太守故吏

立陳球後碑君諱球字伯真廣漢太守之元子也蓋周

存六代媯滿繼虞建國于陳逖完徂齊實為陳氏公闕下

父自營州來宅海淮未載立碑姓名隸釋

隸釋曰水經注陳球墓前有主碑是弟子管甯華歆

等造此碑所見皆故吏故民而無管華姓名豈與劉

寬碑相類其一則弟子所立乎陳公兩碑皆在淮陽

水經謂墓前有三碑似指碑陰為一也

- 一人立二碑一敘先世一不敘先世例

陳太邱碑先生云云河南尹立文範先生陳仲弓碑其先出

自有虞氏中葉當周之盛德有媯滿者武王配以太姬而封諸太昊之墟是爲陳胡公春秋之末失其爵土遂以國氏焉世督懿德令問不顯子紀立蔡中郎集

堂邑令費鳳碑君體履柔和云云妻弟卜費鳳別碑君

諱鳳字伯簫梁相之元子九江太守之長兄也世德襲

爵銀艾相亞舅家中孫石助立隸釋

隸釋廣漢屬國都尉丁魴碑不敘先世其有別碑與

否無文以明之

一人立三碑兩碑敘名字先世一碑不敘名字先

世例

太傅文恭侯胡公碑公諱廣字伯始交阯都尉之元子

也故吏池喜立太傅胡公碑維漢二十有一世云云掾王允等立

胡公碑公諱廣字伯始南郡華容人也其先自媯姓建

國南土曰胡子春秋書焉列于諸侯公其後也考以德

行純懿官至交阯都尉故吏許詡等立蔡中郎集

媯姓乃歸姓之誤見前左氏昭四年胡子始見於經

杜注胡國汝陰縣西北有胡城胡在汝南故云建國

南土

一人立二碑一略敘先世不載名字一詳敘名字

邑里及先世一僅載名字例

司空文烈侯楊公碑曰漢有國師司空文烈侯楊公公

惟司徒之孫太尉公之胤子子彪漢太尉楊公碑公諱

賜字伯猷宏農華陰人姬姓之國有楊侯者公其後也其在漢室赤泉侯佐高丞相翼宣咸以聖德光于前朝祖司徒考太尉繼跡宰司咸有勳烈屬吏立文烈侯楊公

碑公諱賜字伯猷云云門人立蔡中郎集

水經注載橋元三碑秦頡三碑金石錄載郭禧二碑

文不全載無以知其體例

書薨例

太尉橋公碑頌光和七年五月甲寅薨蔡中郎集

書卒例

文範先生陳仲弓銘中平三年八月丙子卒同上

書不祿例

元儒婁先生碑熹平三年二月甲子不祿集古錄案隸釋作正月

至所載集古錄仍作二月疑正字誤

孔德讓碣永興二年七月遭疾不祿同上案謝本集古錄作一年據隸

釋及所載集古錄並作二年今從之

曲禮天子死曰崩諸侯曰薨大夫曰卒士曰不祿此

常稱也錄其一二以見例不備錄鄭氏注曲禮曰自

上顛壞曰崩薨顛壞之聲卒終也不祿不終其祿正

義崩者墜壞之名譬若天形墜壓然薨者崩之餘聲

也諸侯卑死不得效崩之形但如崩後之餘聲卒畢

竟也大夫是有德之位仕能至此亦是畢了平生故

曰卒士祿以代耕而今遂死是不終其祿曲禮又曰

壽考曰卒短折曰不祿鄭注謂有德行任爲大夫士而不爲者老而死從大夫之稱少而死從士之稱案下不得兼上故崩薨之稱大夫以下不敢稱也上得兼下故春秋書他國君薨皆曰卒又左氏成十三年傳呂相絕秦曰無祿獻公卽世無祿文公卽世諸侯亦稱不祿昭七年傳子產爲豐施歸州田於韓宣子曰曰君以夫公孫段爲能任其事而賜之州田今無祿早世大夫亦稱不祿然則卒與不祿又諸侯以下之通稱也

### 書終例

陳太邱碑中平三年八月丙子遭疾而終

蔡中郎集

隸續封邱令王元賓碑遭命而終冀州從事郭君碑  
晦晷而終同案檀弓君子曰終小人曰死注死之言  
漸也事卒爲終消盡爲漸正義君子之死謂之爲終  
言但身終功名尙在若小人之死但謂之爲死無功  
名可錄但形骸漸盡也按終卒對文則別散文則通  
書不瘳例

廷尉仲定碑熹平元年孟秋土旬君邁疾不瘳

金石錄

隸釋竹邑侯相張壽碑邁疾無瘳同

### 書丁憂例

太尉汝南李公碑徵河南尹母憂乞行服闋奔命

蔡中郎集

貞節先生范史雲銘除郎中萊蕪長未出京師喪母行

服上

右明書丁憂水經注清水篇桂陽太守趙越碑碑云遭憂

關泚水篇日南太守胡著碑碑云遭憂隸釋博陵太守

孔彪碑碑云遭大君還署廣漢屬國侯李翊碑碑云遭從

官太尉陳球後碑碑云遭繼母憂禮安平相孫根碑

碑云遭公夫人憂服闋徵拜議郎案碑涼州刺史

魏元丕碑碑云遭泰夫人巴郡太守樊敏碑碑云遭

碑云斷仁洪氏曰五五與費鳳隸續封邱令王元

賓碑碑云以母憂去官並書憂與李公碑略同隸釋

冀州刺史王純碑碑云喪父服衛尉衡方碑碑云會

人寢闇苦由仍口上言倍榮司隸校尉魯峻碑碑云喪父

禮如太尉陳球碑碑云喪母去官光祿勳劉曜碑碑云喪母

為郎中並書喪與范史雲銘略同 陳君立曰公羊

傳臣有大喪君三年不呼其門此丁憂所自昉歟

成皋令任伯嗣碑除江州令以服去官金石錄

右渾書丁憂

丹陽太守郭昱碑曰父憂去官還拜郎中侍御史遭母

喪服除復拜郎中治書侍御史隸續

右連書丁憂 案漢代近古日知錄所載韋義楊仁

譙元戴封馬融陳實賈逵范滂劉衡圍令趙君曹全

度尚楊著陳重王純諸人並以期功之喪丁憂去官

其未載者蔡中郎集陳留太守胡公碑遭叔父憂以

疾自免隸釋繁陽令楊君碑會叔父太尉公薨委榮  
輕舉投黻如遺隸續司隸校尉楊淮碑弟弼西鄂長  
伯母憂去官是也今人有能行者是宜特書以示旌  
異然不數見故不立例又漢代尊舉主持服去官隸  
釋太尉劉寬二碑並云喪舊君去官是也持服之事  
雖始于管仲見禮記雜記然非禮也故不錄

### 書告病例

太尉橋公碑頌遷河南尹遂陟司徒託疴遜位起家拜  
尚書令以疾篤稱拜光祿大夫後拜太尉久病自替蔡中

郎集下同

太傅文恭侯胡公碑封安樂鄉侯錄尚書事稱疾屢辭

策賜就第復拜司空功成身退俾位特進又拜太尉復  
以特進致命休神又拜太尉遜位歸爵旋于舊土徵拜  
司徒疾病就第

汝南周巨勝碑初以父任拜郎中疾去官察孝廉是時  
郡守梁氏外戚貴寵非其好也遂以病辭

三碑皆屢稱引疾疾輕而病重包氏注論語曰疾甚

曰病也鄭氏注曰病謂疾益困也許氏說文曰疾病

也病疾加也是也故文先疾而後病若僅一引疾則

但稱疾中郎集司空楊公碑見邁姦黨用嬰疾廢太

尉汝南李公碑功遂身退以疾自遜陳留太守胡公

碑遭叔父憂以疾自免皆單稱疾此類甚多不復備



漢石例卷之二  
舉 隸釋泰山都尉孔宙碑會遭篤病告困致仕梁  
相費汎碑延究眉耆被病孫位此則邁病而歸旋即  
殞歿故書病吉成侯州輔碑遷臧府令後以病孫位  
此則眞病去官故亦書病巴郡太守樊敏碑投核長  
驅畢志枕邱國復重察辭病不就云云秋老乞身以  
助義都尉養疾閭里云云此蓋先以眞病辭官後以  
微疾遜位各書其實與例不相妨也

書歷年及卒年月日例

太尉橋公碑春秋七十五光和七年五月甲寅薨

蔡中郎集

郭有道林宗碑享年四十有三以建甯二年正月乙亥

卒

同上

朱學勤曰郭林宗年後漢書作四十二碑文出重刻

疑誤

衛尉衡方碑年六十有三建甯元年二月五日癸丑卒

集古錄

吳郡丞武開明碑壽五十七建和二年十一月十六日

遭疾卒

金石錄

國三老袁良碑載八十五永建六年二月戊辰卒

見卷一

書春秋書享年書年書壽書載各錄其一以見例其

有書歷年不書卒年月日者梁相費汎碑

碑云春秋八十卒

隸釋書歷年及卒年不書月日者太尉汝南李公碑

碑云年五十七十有六嘉平四年薨廣漢屬國侯李翊碑

碑云年五十四以熹平二

年卒 隸釋 書歷年及卒年時不書月日者瑯琊王傅蔡公

碑碑云年五十八永興六年夏卒蔡中郎集 書歷年及卒年月不書日

者議郎元賓碑碑云年四十八延熹二年二月卒金石錄 圉令趙君碑

碑云年六十有八以中平五年冬十一月卒同上 書歷年及卒年日不書月

者胡公碑碑云年八十有二建甯五年春王戌薨于

有卒月故文有詳略無義例也

書卒年月日及歷年閒以事蹟例

陳留太守胡公碑建甯元年召拜議郎云云其年七月

被尚書召云云其明二十一日遣使云云是日疾大漸

刻漏未分奄忽而卒時年四十一蔡中郎集

書歷年及卒葬年月日例

太傅文恭侯胡公碑春秋八十二建甯五年三月壬戌

薨于位四月丁酉葬于洛陽塋蔡中郎集 又碑云

五年春三月既生晚八日壬戌太傅安樂鄉侯胡公薨越若來四月辛酉葬我君文恭侯見卷一

趙相劉衡碑年五十有三以中平四年二月戊午卒其

四月己酉葬金石錄

此常例不備錄其有書歷年不書卒年月日書葬年

月不書日者司隸從事郭究碑碑云春秋二十八而

子三月而葬書卒年月日書葬年月不書日者冀州

從事郭君碑碑云君年卅一以光緒二年大荒載紙

文有詳略無義例也

渾書歷年例

丹陽太守郭旻碑年過耳順寢疾瘖頽金石錄

渾書卒年例

巴郡太守樊敏碑歲在汁洽紀驗期臻奄矧臧形隸釋

李翊夫人碑歲在大淵獻精魂奄昏飛神天庭收荆元

都同上

渾書卒例

武氏石闕銘被病云歿苗秀不遂金石錄下同

祝長巖訢碑顛實徂落壽不寬宏經設三命君獲其殃

從事武梁碑遭疾隕靈

逢童碑噓喻不反天隕精晃

郎中鄭固碑遭命隕身隸釋

書在官病卒例

涪于長夏承碑建甯三年六月癸巳淹疾卒官金石錄

太傅文恭侯胡公碑建甯五年三月壬戌薨于位前見

金城太守殷君碑以光和元年九月乙酉卒官古文苑

綏民校尉熊君碑以廿一年三月廿七日丙寅卒官隸釋

下同

熊君碑上文有興平元年故不載年號

益州太守高頤碑建安十四年八月於官卒

書致仕病卒例

北海相景君銘去官未旬病乃困危珪璧之質臨卒不

回隸釋下及注同病卒當書年月此不書者已見碑首

慎令劉修碑素苦風痺到官朞月見臣吏勅兒子人命  
哮喘不欲煩擾吏民欲生見舊土歸終於家百姓追逐  
扣馬撲輪遂不復還建甯四年五月甲戌卒

右致仕旋卽病卒

泰山都尉孔宙碑會遭篤病告困致仕得從所好延熹

六年正月乙未口

案闕處當是卒字

司隸校尉魯峻碑以病遜位閉門靜居耽書自娛熹平

元年口月癸酉卒

安平相孫根碑以疾去官闔門守家不競時榮養育孤  
穉以保壽年上乾弗祐獲疾固口口口以光和四年十  
二月乙巳卒

右致仕久始病卒 國三老袁良碑以病致仕永建

六年二月戊辰卒 國令趙君碑被疾去官以中平五  
年冬十一月壬寅卒 梁相費汎碑被病遜位春秋八  
十卒 凡致仕旋卽病卒與久死病卒者皆得通用

書歸葬例

劉鎮南碑時道路艱險留墳州土子授徵拜五官中郎  
將乃疏上請歸本縣葬見聽許太和二年葬於先塋

蔡中

朱公叔墳前石碑延熹六年夏四月丁巳卒于京師其

五月丙申葬于宛邑北萬歲亭之陽舊兆域之南

同上

案朱公叔碑卒葬皆書地劉鎮南碑卒不書地葬書

地文有詳略不別爲例

書不歸葬例

文範先生陳仲弓銘昔者先生甚樂茲土築室講誨精靈所甯紀順奉雅意遂定兆域

又一碑云臨沒顧命留葬所卒蔡中郎集

後漢書張霸傳遺勅諸子曰昔延州使齊子死羸博因坎路側遂以葬焉令蜀道阻遠不宜歸塋可止此葬足藏髮齒而已崔駰傳瑗臨終顧命子實曰夫人稟天地之氣以生及其終也歸精於天還骨於地何地不可藏形骸勿歸鄉里實奉遺令遂留葬洛陽梁鴻傳疾且困告主人曰昔延陵季子葬子於贏博之閒不歸鄉里慎勿令我子持喪歸去及卒伯通等爲求葬地於吳要離冢傍此皆不歸葬之證

書合葬例

議郎胡公夫人哀讚中平四年薨于京師顯追惟考君存時之命迎棺舊土同穴此城

蔡中郎集

隸釋相府小史夏堪碑娉會謝氏并靈合柩古命有之仲泥何恠此周禮嫁殤也不錄 陔餘叢考曰合

葬墓誌近代如王遵嚴王弇州集中皆書曰某君暨配某氏合葬墓誌識者非之以爲古人合葬題不書婦今日暨配某者空同以後不典之詞也攷唐宋書法並無合葬二字但云某君墓誌而已其妻之附則于誌中見之陳君立曰藜攷謂始于空同非也唐太

和時徐府君墓誌其額題徐府君劉夫人合祔銘蓋始于唐案蔡攷謂書合葬非古陳君謂始于唐皆是也夏堪碑不曰暨配謝氏下文馬江侯成碑同此漢碑定例也胡公先葬已有墓銘夫人後葬別為哀讚故與同時合葬不同

書不合葬例

交阯都尉胡夫人黃氏神誥自郡尉仕于京師及廣兄弟式敘漢朝夫人居京師六十有餘載欲畱此焉康甯之時亟以為言建甯二年薨公銜哀悼祇慎其屬遵奉遺意不敢失墜乃俾元孫顯咨度羣儒以攷其衷僉曰昔帝舜歿于蒼梧殯于虞郊二妃薨于江湘不即兆于

九疑延陵季子實惟吳人長子道終卜葬贏博夫遭時而制不遠遷徙魂氣所之不繫邱壠于是公乃為辭昭告先考然後卜定宅兆十月既望粵翌日己酉葬我夫人黃氏于此高原雒陽東界關亭之阿蔡中郎集碑中兼敘妻德及卒年例

郎中馬江碑夫人宛句曹氏終温淑慎咸曰女師年五

十五建甯三年十二月卒

隸釋

不日者略之非定例

碑未附載妻卒年月日例

金鄉長侯成碑末夫人呂延熹七年歲在甲辰十一月

三日庚午遭疾終

隸釋

碑稱侯成以建甯二年四月二日卒碑末大書一行  
夫人云云當是夫人卒後合葬書于碑末與馬君碑  
同時葬同書于碑不同

婦人墓碑書氏書字例

太傅胡公夫人靈表夫人編縣舊族章氏之長女也字

曰顯章

蔡中郎集

胡夫人黃氏神

自周以前姓氏各別秦漢以後姓氏不分諸碑書氏  
不書姓書姓不書氏常例也隸續司農劉夫人碑云  
姓劉氏書姓又書氏蓋本史記五帝紀姓妣氏姓子  
氏姓姬氏之文古人文字重複往往如此然不可爲  
例 說文氏巴蜀名山岸脅之白旁箸欲落墻者曰

氏氏崩聲聞數百里象形入聲揚雄賦響若氏隕段  
氏注曰古今傳氏與是多通用大戴禮昆吾者衛氏  
也以下六氏字皆是之段借而漢書漢碑假氏爲是  
不可枚數故知姓氏字當作是假借姓氏字爲之是  
者分別之畧也又說文女部姚虞舜肩姚虛因呂爲  
姓媯虞帝肩媯訥因呂爲氏段注欲于氏下增姓字  
云尋姓氏之禮姓統于上氏別于下鄭駁五經異義  
曰天子賜姓命氏諸侯命族族者氏之別名也姓者  
所以統繫百世不別也氏者所以別子孫之所出故  
世本之篇言姓則在上言氏則在下也此由姓而氏  
之說也既別爲氏則謂之氏姓故風俗通潛夫論皆

以氏姓名篇諸書多言氏姓氏之見于經者春秋  
隱九年天王使南季來聘穀梁傳曰南氏姓也南爲  
逗氏姓也三字爲句此氏姓之明文也史記陳杞世  
家舜爲庶人時堯妻之二女居于媯汭其後因爲氏  
姓姓媯氏五帝本紀曰自黃帝至舜禹皆同姓帝禹  
爲夏后而別氏姓姓媯氏契爲商姓子氏□爲周姓  
姬氏此皆氏姓之明文也左傳曰陳胡公不淫故周  
賜之姓使祀虞帝賜之姓者賜姓曰媯也段令媯不  
爲姓何以不賜姓媯而賜姓媯乎凡言賜姓者先儒  
以爲有德者則復賜之祖姓使紹其後故后稷賜姓  
曰姬四岳堯賜姓曰姜董父舜賜姓曰董秦大費賜

姓曰嬴皆予以祖姓也其有賜姓而本非其祖姓者  
如鄭氏駁異義云炎帝姓姜太皞之所賜也黃帝姓  
姬炎帝之所賜也是炎帝黃帝之先固自有姓而炎  
帝黃帝之姜姬實爲氏姓之朔始夏之姓媯商之姓  
子亦同然則單言姓者未嘗不爲氏姓單言氏者其  
後以爲姓古則然矣至於周則以三代以上之姓及  
氏姓爲昏姻不通之姓而近本諸氏於官氏於事氏  
於王父字者爲氏不爲姓古今之不同也案說文以  
媯爲舜姓媯爲舜氏左氏隱八年傳天子建德因生  
以賜姓胙之土而命之氏杜注若舜生媯汭賜姓曰  
媯封舜之後於陳以所封之土命爲氏舜後姓媯而



氏曰陳據此是媯爲舜姓與說文異說文是也據說  
文姓氏各別不得於氏下增姓字喪服小記復與書  
銘婦人書姓與伯仲如不知姓則書氏孔疏云若妾  
有不知姓者當稱氏矣是姓氏不同之證穀梁傳云  
南氏姓也傳意以南爲或氏或姓不敢遽定故云氏  
姓范甯謂氏以爲姓非也陳杞世家曰其後因爲氏  
姓此誤襲穀梁之文段氏從之非也風俗通無氏姓  
篇潛夫論所志氏姓其首略敘曰凡厥姓氏皆出屬  
而不可勝紀也然則氏姓猶言姓氏倒文耳豈得以  
證穀梁哉今本史記五帝本紀帝禹爲夏后而別氏  
姓姒氏別氏下不重姓字段氏作別氏姓姒氏不  
知所據何本恐臆說也總之姓氏對文則異散文則  
通曰知錄曰春秋有姜氏子氏姜子皆姓而云氏是  
也史記所云姓姒氏姓子氏姓姬氏此古人文字重  
複處不及說文分別姓氏最爲明晰段氏反據史記  
以增改說文非也顧氏棟高春秋大事表引元史伯  
璿曰三代以後無所謂姓只有氏而已故後世但曰  
姓某氏而不敢曰某姓某氏蓋姓不可攷故但虛其  
姓于氏之上而實其氏于下亮哉言乎案如史氏之  
言當于姓上空一字旣不空字則非虛其姓于氏之  
上顧氏以爲然非也

書繼室例

漢交趾都尉胡夫人黃氏神誥初都尉君娶於故豫州  
刺史卽黃君之姊生太傅安樂侯及卷令康而卒繼室  
以夫人生童紀未齠而天夫人撫育遺孤導以義方蔡中

郎集陳君立曰左傳妻稱繼室皆非敵體如聲子繼室也  
而春秋家謂隱母爲賤晉少姜卒傳稱妾寵之喪而  
齊侯請繼室于晉卽繼少姜也其非嫡夫人可知繼  
室稱夫人其昉于漢代乎

有官職者妻得統稱夫人例

漢交趾都尉胡夫人黃氏神誥夫人江陵黃氏之季女

云云蔡中郎集下同

太傅安樂侯胡公夫人靈表夫人編縣舊族章氏之季  
女也云云

司徒袁公夫人馬氏靈表維光和七年司徒袁公夫人  
馬氏薨云云

議郎胡公夫人哀讚議郎夫人趙氏字曰永姜云云

周制天子有三夫人諸侯之妻稱夫人秦漢時三公

稱公其妻稱夫人常例也然子孫尊其先世後進尊

其鄉先生不必三公亦稱公不必夫人亦稱夫人胡

袁二公其妻稱夫人此三公之妻稱夫人也都尉議

郎之妻亦稱夫人此非三公之妻亦得統稱夫人也

近世諸生之妻及世族之婦雖無官職統稱孺人蓋

與此同

敘婦人家世例

漢交阯都尉胡夫人黃氏神誥夫人江陵黃氏之季女其先出自伯翳別封于黃以國氏焉高祖父汝南太守曾祖父延城大尹祖父番禺令父以主簿嘗證太守事奉明君以立臣節漢南之主以爲美談蔡中郎集下同司徒袁公夫人馬氏靈表夫人右扶風平陵人也曾祖中水侯祖將作大匠汝南郡太守中水侯弟伏波將軍女在淑媛作合孝明誕生孝章婚姻帝室

婦人墓碑敘先世常例也袁夫人靈表伏波將軍之女於夫人爲祖姑而亦敘之者以其爲太后故大書

以示重又此表不敘子孫隸釋李翊夫人碑亦不敘子孫蓋婦人立碑有二或婦人先卒其夫尙在其子孫之數不可豫定故不書或夫已卒而婦人別葬其子孫已載其夫墓碑故亦不書上文胡夫人神誥書其所生子者將敘其撫育前室子故書下文子立母碑例袁夫人碑銘書其所生子者碑爲其子立故書女立母碑例胡夫人靈表書其所生子者將敘其諸子早卒女爲立碑故書

書子孫官爵例

國三老袁良碑時元子光博平令中子騰尙書郎少子璋謁者詔書壁口口可父事羣司以君父子俱列三臺

與此同

敘婦人家世例

漢交阯都尉胡夫人黃氏神誥夫人江陵黃氏之季女其先出自伯翳別封于黃以國氏焉高祖父汝南太守曾祖父延城大尹祖父番禺令父以主簿嘗證太守事奉明君以立臣節漢南之王以爲美談

蔡中郎集下同

司徒袁公夫人馬氏靈表夫人右扶風平陵人也會祖中水侯祖將作大匠汝南郡太守中水侯弟伏波將軍女在淑媛作合孝明誕生孝章婚姻帝室

婦人墓碑敘先世常例也袁夫人靈表伏波將軍之女於夫人爲祖姑而亦敘之者以其爲太后故大書

以示重又此表不敘子孫隸釋李翊夫人碑亦不敘子孫蓋婦人立碑有二或婦人先卒其夫尙在其子孫之數不可豫定故不書或夫已卒而婦人別葬其子孫已載其夫墓碑故亦不書上文胡夫人神誥書其所生子者將敘其撫育前室子故書下文子立母碑例袁夫人碑銘書其所生子者碑爲其子立故書女立母碑例胡夫人靈表書其所生子者將敘其諸子早卒女爲立碑故書

書子孫官爵例

國三老袁良碑時元子光博平令中子騰尙書郎少子璋謁者詔書壁口口可父事羣司以君父子俱列三臺

云云於是厥孫衛尉滂司徒掾宏闕迺刊石作銘云云

隸釋

太尉楊震碑長子牧富波侯相次讓趙常山相次秉實

能繼修復登上司陪陵京師次奉黃門侍郎牧子統金

城太守沛相讓子著高陽令同

書弟及子官爵事蹟例

綏民校尉熊君碑君同產弟望季公名望字季公質性忼慨

史魚之直吏功曹列掾督郵都梁長早終君長子再孝

存名再字再孝姿操敦良耽志好學博覽雅藝口口曹列口

三奏辟召於州終隸釋

後漢書蔡邕傳注引邕祖攜碑云長子棱字伯直處

俗孤黨不協于時垂翼華髮人爵不升年五十三卒

諡法曰清白守節曰貞純行不差曰定此子先父卒

于其父碑中詳載其子事蹟者但未及兄弟耳附錄

於此

書孤嗣例

文範先生陳仲弓銘孤嗣紀云云蔡中郎集

隸釋司隸從事郭究碑外黃令高彪碑並稱孤嗣按

孤嗣猶孤子也變子言嗣者子兼男女之稱嗣則專

指男也其實漢人亦稱孤子漢書嚴助傳孤子詭號

是也曲禮孤子當室冠衣不純采鄭注謂年未三十

者三十壯有室有代親之端不為孤也深衣注亦云

司空文烈侯楊公碑朱公叔墳前石碑議郎胡公夫  
人哀讚又有稱孤而繫以數者太尉橋公廟碑碑稱

以上諸碑並見蔡中郎集又有單稱息者司隸校尉魯峻碑碑稱

息卽子也趙策老臣賤息舒祺後漢書光武十五列傳東海恭王彊臨命上疏謝曰息政小人也

是宗寅曰息兼男女之稱東觀漢記此蓋我子息也

女為息恭寃曰梁武帝長安有狹邪行大息組細組中息佩陸離小息尚清綺總轡游南皮此亦女稱息者

書哀子例

司徒袁公夫人馬氏碑銘哀子懿達仁達云云蔡中郎集

儀禮士喪禮筮者命曰哀子某為其父某甫筮宅泄

卜命曰哀子某來日卜葬其父某甫士虞禮始虞用

柔日曰哀子某哀顯相夙興夜處不甯再虞三虞如

初將旦而祔則薦卒辭曰哀子某來日某隕祔爾于

爾皇祖某甫尚饗女子曰皇祖妣某氏饗辭曰哀子

某圭為而哀薦之饗鄭注喪祭稱哀案此則哀者未

祔以前之稱考妣同之故漢人據以入碑文今世母

歿稱哀母存不得稱哀乃唐開元以後之制詳見前

注

書無子例

元文先生李子材銘初娶配出後配未字年既五十苗

胤不嗣蔡中郎集

公卿大夫為卑官處士立碑例

陳太邱碑河南尹种府君追歎功德述錄高行重部大

掾以成斯銘

蔡中郎集

貞節先生范史雲碑太尉張公兗州陳君陳留太守淳

于君外黃令劉君謀於耆舊刊石樹銘

同上

二碑于立碑人書姓不書名尊之也陳君以下以張

太尉故同不書名其實郡邑之長書名也

邑長為邑人立碑例

孝廉柳敏碑建甯元年縣長同歲榘為屬國趙臺公憤

然念素帛之義其二年十月甲子為君立碑

隸釋

隸釋曰柳君以本初元年死后二十三年縣令趙臺

念其墓无碑識故為立石

父母為子立碑例

冀州從事郭君碑哀哀考妣追惟賈靈卜商號咷喪子

失明

金石錄

生稱考妣今所不用已見敘

戚伯著碑父哀母悲傷其口絕

隸釋

僚友立碑例

敦煌長史武斑碑於是金鄉長河間高陽史恢等追惟

昔日同歲郎署故口石銘碑碑未尚書丞沛國蕭曹芝

云云

隸釋

隸釋曰漢碑多門生故吏所立至于同舍為之者唯

武斑及柳敏兩碑日知錄曰今人以同舉為同年漢

人已有之後漢書李固傳云有同歲生得罪於冀風俗通云南陽五世公爲廣漢太守與司徒長史段遼叔同歲又云與東萊太守蔡伯起同歲又云蕭令吳斌與司徒韓演同歲三國志魏武帝紀云公與韓遂父同歲孝廉同歲卽今之同年

姻戚立碑例

堂邑令費鳳碑夫人元弟故口口口守卜肩追而誄之

云云

隸釋金石錄刪節無故字以下五字

費鳳別碑

金石錄作費君碑陰

君舅家中孫甘陵石勛字子才載

馳載驅來奔于喪庭不堪哀且思敘詩之一篇云云同上

金石錄刪節作君舅家中孫甘陵石勛字子才所述

子立父碑例

司空文烈侯楊公碑其孤彪敢儀古式昭銘景烈銘曰

天鑒有漢云云乃及伊公云云

蔡中郎集

序文稱公銘辭稱伊公碑雖其子所立而辭則撰人之稱

文範先生陳仲弓碑孤嗣紀銜恤在疚遂宅兆域宜有銘勒表墳墓銘曰於熙文考云云同上

序文稱君稱先生銘辭稱文考又稱君序文則撰人之稱銘則代其子稱之也文考二字今人宜避見

敘下列考同

中常侍樊安碑嗣子遷實以幼弱夙敘王爵而喪所天



禮備復位以延熹三年冬十有一月自上烝祭乃尋惟烈考恭修之懿勒之碑石俾不失墜古文苑

鴻臚陳君碑有子曰羣追惟蓼莪罔極之思乃與邦彥碩老咨所以計功稱伐銘贊之義遂樹斯石用監于後

同上

丹陽太守郭旻碑諸子曷仰三載禮闕迺羣相與刻石

勒銘金石錄

司隸校尉魯峻碑息胤不才弱冠而孤承堂弗構斯薪

弗何悲蓼莪義同之不報痛昊天之靡嘉頰企有紀能不

噓蒼刊石敘哀釋隸

司隸從事郭究碑孤嗣叫號涕零如雨敢慕衛讚先

之義乃伐石興碑以旌厥魂同上

以上五碑皆子稱其父之詞

子立母碑例

司徒袁公夫人馬氏碑銘維光和七年司徒袁公夫人

馬氏薨其十一月葬哀子懿達仁達銜恤哀痛靡所寫

懷乃撰錄母氏之德履示公之門人覩文感義采石於

南山諗之羣孺假貞石以書焉蔡中郎集

孫立祖碑例

國三老袁良碑於是厥孫衛尉滂司徒掾宏闕乃刊石

作銘其辭曰飛清邈紛其屬云云隸釋

涓于長夏承碑咳孤憤泣忉怛傷摧勒銘金石惟以告

哀其辭曰於穆皇祖天挺應期云云

梁相費汎碑適孫均感奚斯之義刊銘元石旌勸厥美  
俾闕覽焉其辭曰穆穆顯祖厥德懿鑠云云

袁良碑撰文者之詞夏承費汎碑卽其孫之詞皇祖  
二字宜避見敘祭法顯考廟註顯明也正義顯考廟  
者高祖也顯明高祖居四廟最上故以高祖目之案  
費汎碑稱顯祖者自高祖至考皆得以顯明尊稱之  
今世猶然

### 女立父碑例

先生郭輔碑其季女明文潁川之夫人也感惟考妣克  
昌之德登山采石致于墓道邑人縉紳刻石作歌隸釋

水經注曰碑無年號不知何代人集古錄曰碑以如  
爲而及用鄉鄙字與婁壽碑同蓋漢人如此隸釋曰  
碑有兩昭字晉人所諱疑是魏刻案碑有昭字無以  
定其爲魏刻今從歐陽氏水經注清水篇云清水  
南道側有二石樓題言蜀郡太守姓王字子雅南陽  
西鄂人有三女無男而家累千金父歿當葬女自相  
謂曰先君生我姊妹無男兄弟今當安神元宅翳靈  
后土冥冥絕後何以彰吾君之德各出錢五百萬一  
女築墓二女建樓以表孝思案子立父碑常例也若  
無子女亦得立碑王子雅女築石樓費至千萬侈已  
極矣其文當卽刊于石樓柱壁是亦碑類因附錄之

又沔水上云聿水又東逕七女冢元嘉六年大水墳  
崩得一博刻云項氏伯無子七女造槨世人疑是項  
伯冢案此冢無以定其為封射陽  
項伯之冢且其文太畧不可為例

女立母碑例

太傅胡公夫人靈表夫人生五男長曰整伯齊次曰于  
億叔韓次曰甯穉威次曰碩季叡皆早即世元女金盈  
追慕永思遂立斯表鐫著堅珉蔡中郎集

子立母碑常例也女立母碑必夫人無子或有子已

故故碑文特表出之碑文五男而故者四人其存者蓋幼

弟立兄碑例

郎中鄭固碑琦瑤延曰為至惠不紀則鐘鼎奚銘昔姬  
□□武弟述其兄綜闕行於蔑陋歎曷敢忘乃刊石曰

旌遺芳隸釋

王氏懷祖讀書雜誌載此碑文云昔姬公口武句弟  
述其兄句綜口口句口口行句於蔑陋句歎曷敢忘

句乃刊石句呂旌遺芳句於蔑陋者於音烏歎詞也

蔑陋謂鄙小也鄭注君爽云蔑小也高注漢書韋元

成傳云於蔑小子與此於蔑陋同義兄行忘芳為韻

兄讀若荒行讀若杭隸辨以行於蔑陋四字為句則

既失其義而又失其韻矣

弟及子同立碑例

慎令劉修碑二弟龍純孿哀孔懷孤生儁協邵長號思

慕立此碑銘隸釋

漢石例卷之二  
子吏門人同立碑例

太尉橋公廟碑三孤故臣門人相與述公言行云云銘曰光光烈考云云蔡中郎集

廟碑入墓碑例者其例從同又以類相附後不更見子吏門人同立碑而銘詞稱烈考從其親者言也然今時宜避

門生爲師之祖父立碑例

太尉楊震碑長子牧牧子統統之門人汝南陳熾等緣在三義一頌有清廟故敢慕奚斯之追述樹元石于墳道隸釋

門生爲師之子弟立碑例

童子逢盛碑年十有二沒而不存於是門生東武孫理下密王升等感慼三成一列同義故共刊石敘述才美碑陰五官掾崔孟祖云云右縣中士大夫高密徐承興祖云云右家門生隸釋

隸釋曰縣中士大夫其父黨也故不名是也案盛乃童子必無門生碑稱門生碑陰稱家門生必是其父門生漢人門生之稱凡對其師家人言之皆然

父子同塋立碑例

郎中鄭固碑先是君大男孟子有楊烏之才年七歲而天故建口其墳配食斯壇曰慰考妣之心隸釋

錢氏大昕金石文跋尾曰喪服傳不滿八載以下爲

等乃其勒嘉石永昭芳烈蔡中郎集下同

太傅胡公碑掾太原王允雁門畢整扶風曾宙潁川殷

歷等相與累次德行撰舉功勳刊之于碑又一碑云故吏濟陽池喜

感公之義乃樹石作頌又一碑云故吏司徒詡等論集行跡銘諸琬炎

太尉汝南李公碑故吏潁川太守張温等刊石立碑德載不泯

太守胡公碑於時陳留主簿高吉蔡軫等咸以郡選充

備官屬遂樹碑作銘以表令德

彭城姜伯淮碑弟子陳留申屠蟠等建建碑於墓

此例甚多中郎集外不復詳引其有渾敘立碑人不

書姓名者太尉楊公二碑楊秉碑云於是門人學徒相與刊石樹碑楊賜碑云

惟我下流二三小臣紀公勳績陳留太守胡公碑刊石立銘

於是遐邇蔡中郎集下同郭有道林宗碑君德追痛不宣嗟我明哲如何勿銘

碑云凡我四方同好之人永懷翟先生碑碑云於是哀悼於是建碑表墓昭銘景行

與登山汝南周巨勝碑乃相與建碑石而勒銘汝南周巨勝碑乃相與建碑美君金銘錄廷尉仲定碑平輿令薛君碑景君闕銘議郎元賓荆州刺史度尚金鄉長侯成小

黃門諸碑附錄于此不別為例

碑中渾敘立碑人碑陰詳載姓名例

泰山都尉孔宙碑於是故吏門人乃其陟名山采嘉石

碑陰門生鉅鹿瘦陶張雲字子平云云隸釋下同

繁陽令楊君碑故吏臣隸適共追錄厥勳鐫石示後碑

陰故功曹史闕故功曹史成功豫伯舉云云

立碑而詳略互異此例之變也當是淮弼二人共葬一塋因共立一碑而淮爲弼兄遂題爲淮其實因弼立也雜例中有兩人共立一碑非以表墓故此碑附錄于此

婦祔姑墓例

太傅安樂侯胡公夫人靈表建甯三年薨夫人之存也契闊中饋婉變供養依生奉仁紹述雅意其閏月附于太夫人窀穸于茲地

蔡中郎集

孫祔祖墓例

交阯都尉胡夫人黃氏神誥建甯二年薨于太傅府是月辛酉公之季子陳留太守碩卒于洛陽左池里舍十

月既望粵翌日己酉葬我夫人黃氏及陳留太守碩于此高原雒陽東界關亭之阿

同上

公謂胡廣夫人乃廣母碩乃廣子夫人之孫此孫祔祖母墓也其孫祔祖父書法亦同故特著爲例碩稱名者以其祔祖母又對其父稱之禮所云父前子名也

碑敘首總敘立碑人例

山陽太守祝睦後碑故吏王堂等竊聞下有述上之功臣有敘君之德云云

集古錄

乃相與刊勒金石

釋

碑中敘立碑人爵里姓名例

太尉橋公碑於是故吏司徒博陵崔烈廷尉河南吳整

安平崔恢字行孫故吏乘氏令博陵安平王沛字公豫  
故吏司空掾博陵安國劉惠字伯桓云云同上

碑陰載立碑人姓名同郡不書郡同縣不書縣例

元儒先生婁壽碑陰故五官掾婁口伯故守長史掾夏

光淵云云隸釋

吉成侯州輔碑陰漢陽太守闕故京兆尹延篤叔堅故

東平相溫貢顯宗云云同上

司隸校尉魯峻斷碑陰闕延上闕文臺郗仲軍彭城徐

文達汝南袁彥和翟公勝仲孝安云云隸釋

婁壽碑云南陽隆人魯峻碑云山陽昌邑人州輔碑

其郡邑刊闕隸釋曰婁壽碑陰可見者五十四人漫

滅者四人其稱南郡汝南者二人餘蓋南陽人州輔

碑陰自漢陽太守而下四十有九人其八人稱邑曰

冠軍曰宛曰章陵曰新野曰比陽曰魯陽皆南陽之

邑餘人唯延篤有傳乃南陽隼人則不稱邑者隼之

人也碑云鄉人姻族相與刊石則又知輔為隼人也

魯峻斷碑陰九十有一人書姓字而不名惟徐袁二

人有郡婁壽碑陰不出郡者皆同郡人也州輔碑陰

不出縣者皆同縣人也此殘碑貫彭城汝南者各一

人則其餘皆山陽人也

碑陰人名後各總標郡縣名例

太尉郭禧碑陰于立碑人姓名後云右河南右河內郡

高陽令楊著碑門徒小子喪茲師范故樹斯石以昭厥  
勳碑陰口口孫甫口鉅鹿時稚明云云

吉成侯州輔碑於是鄉人姻族乃相與刊石樹碑碑陰  
漢陽太守闕故京兆尹延篤叔堅云云

凡碑陰書立碑人爵里姓名字五者皆備隸釋沛相

楊統碑陰懷陵圉令相蔣禧字武仲博陵太守孔彪

碑陰司徒掾博陵安平崔烈字威考是也孔宙諸碑

五者不備文有詳略無義例也其有先書姓次書爵

次書名都鄉孝子嚴舉碑陰向主吏諱旻云云楊督

郵諱鎮云云楊侯同諱龐云云趙掾諱護云云是也

隸續曰鼎其姓於吏職之上而以諱挈其名漢碑他

無此式

碑中渾敘立碑人碑末夾注姓名例

衛尉衡方碑於是海內門生故吏口口口采嘉石樹靈

碑碑末夾注門生平原樂陵朱登字仲隸釋

碑中敘首立碑人碑陰敘同立碑人復書首立碑

人例

沛相楊統碑故吏戴條等適鑄石立碑碑陰故口口口

郎中令口戴口字叔口故吏懷陵圉令相蔣禧字武仲

云云隸釋

博陵太守孔彪碑口吏崔口口口王沛等乃刊斯石碑

陰故吏司徒掾博陵安平崔烈字威考故吏齊口博陵



安平崔恢字行孫故吏乘氏令博陵安平王沛字公豫  
故吏司空掾博陵安國劉惠字伯桓云云同上

碑陰載立碑人姓名同郡不書郡同縣不書縣例

元儒先生婁壽碑陰故五官掾婁口伯故守長史掾夏  
光淵云云隸釋

吉成侯州輔碑陰漢陽太守闕下故京兆尹延篤叔堅故

東平相溫貢顯宗云云同上

司隸校尉魯峻斷碑陰闕延上闕文臺郗仲軍彭城徐

文達汝南袁彥和翟公勝仲孝安云云隸釋

婁壽碑云南陽隆人魯峻碑云山陽昌邑人州輔碑  
其郡邑司闕隸釋曰婁壽碑陰可見者五十四人漫

滅者四人其稱南郡汝南者二人餘蓋南陽人州輔

碑陰自漢陽太守而下四十有九人其八人稱邑曰

冠軍曰宛曰章陵曰新野曰比陽曰魯陽皆南陽之

邑餘人唯延篤有傳乃南陽隼人則不稱邑者隼之

人也碑云鄉人姻族相與刊石則又知輔爲隼人也

魯峻斷碑陰九十有一人書姓字而不名惟徐袁二

人有郡婁壽碑陰不出郡者皆同郡人也州輔碑陰

不出縣者皆同縣人也此殘碑貫彭城汝南者各一

人則其餘皆山陽人也

碑陰人名後各總標郡縣名例

太尉郭禧碑陰于立碑人姓名後云右河南右河內郡

右宏農郡右扶風郡金石錄

太尉劉寬碑陰門生名後云右河南郡右河內郡右河

東郡右京兆右扶風郡右馮翊郡右南陽口右口川郡

右口國右陳留郡續隸

右總標郡名 劉寬碑陰王曜以下有爵秩者皆特

書爵郡縣姓名字碑云故華陰令相國別部司馬漢陽河陽王曜孝起云云左宮

以下無爵秩者各書縣姓名字碑云河南左宮叔舉云云而總標


郡名有爵詳無爵略又常例中之變例

故吏應酬殘題名故吏應酬云云又一行右鄆故吏舒


苗云云又一行右江原隸釋

右總標縣名 隸釋曰鄆江原皆隸蜀郡此蓋蜀郡

### 太守碑陰



漢石例卷之二終



漢石例卷之三

寶應劉寶楠錄

石埭徐士愷子靜  
吳縣朱記榮懋之校字

墓碑例

書故吏故民例

泰山都尉孔宙碑陰故吏北海都昌逢祈字伯熹云云

故民泰山費滄于黨字季口云云

釋

案統言則曰故吏析言則有掾有史有令史分以列

曹戶曹掾見濟陰太守孟郁修堯廟碑華山亭碑

修堯廟碑孔廟置守廟百石孔融碑華山亭碑

邑令費鳳碑學師宋恩題名祀三公山碑張納碑

張納碑奏曹掾見蒼頡廟碑史未見辭曹張納碑宋恩

題名竹法曹宋恩題名曹全碑尉曹尉曹見張都鄉正

葉碑衛彈碑史見武賊曹題名曹全碑尉曹尉曹見張都鄉正

都丞呂國煥碑案武氏石室題字單部碑尉曹尉曹見張都鄉正

史宛令李孟初神祠碑有賊捕掾郎城曹掾蜀郡造

橋碑有荷賊曹掾釋于荷字未詳韓勅造決曹未

孔廟禮器碑有相中賊史謂相府中賊曹史決曹未

見史見張納兵曹題名張煥碑令史見張煥碑宋恩

曹掾見張納兵曹題名張煥碑令史見張煥碑宋恩

碑宋恩題名曹全碑中史見張煥碑令史見張煥碑宋恩

碑中頡廟案後漢書百官志公府掾十二曹其十已

見碑文惟西曹東曹罕見耳公府者太尉司徒司空

三公之府總稱府掾元儒先生婁壽碑析稱太尉掾

靈臺碑魯相韓敕造孔司徒掾靈臺碑仙人司空掾

廟禮器碑華嶽廟殘碑唐公房碑司空掾

華嶽廟此十曹外又有祠曹掾見孔蘇議曹掾見潘

殘碑

納碑呂國題名漕曹掾史並見集曹掾見張納碑

史見蒼頡廟碑張納碑集曹掾見張納碑

納碑宋恩題名曹全供曹華山亭碑比曹掾見張

碑令史見馬煥碑供曹華山亭碑比曹掾見張

恩題名獻曹掾未見史塞曹掾未見史穀曹掾未見

恩題名水曹掾未見史客曹掾未見史士曹

司空孔扶碑單言士曹未不見于志案志戶曹主民

分掾史令史見馬煥碑不見于志案志戶曹主民

戶祠祀農桑祠曹戶曹奏曹主奏議事議曹即奏

曹尉曹主卒徒轉運事漕曹即尉曹倉曹主倉穀事

穀曹即倉曹志又云將軍其職吏部集各一人總知

營事集曹即部集又云客曹尚書主外國夷狄事則

客曹掾史即尚書屬吏繫以所屬之官也

史郡列掾韓勅造禮器碑相史蒼頡廟碑少府史唐

公房碑太守史劉熊碑曹全碑郡曹史曹全碑將軍

史郡列掾韓勅造禮器碑相史蒼頡廟碑少府史唐

公房碑太守史劉熊碑曹全碑郡曹史曹全碑將軍

史郡列掾韓勅造禮器碑相史蒼頡廟碑少府史唐

公房碑太守史劉熊碑曹全碑郡曹史曹全碑將軍

史郡列掾韓勅造禮器碑相史蒼頡廟碑少府史唐

公房碑太守史劉熊碑曹全碑郡曹史曹全碑將軍

史郡列掾韓勅造禮器碑相史蒼頡廟碑少府史唐

公房碑太守史劉熊碑曹全碑郡曹史曹全碑將軍

史郡列掾韓勅造禮器碑相史蒼頡廟碑少府史唐

公房碑太守史劉熊碑曹全碑郡曹史曹全碑將軍

史郡列掾韓勅造禮器碑相史蒼頡廟碑少府史唐

公房碑太守史劉熊碑曹全碑郡曹史曹全碑將軍

史郡列掾韓勅造禮器碑相史蒼頡廟碑少府史唐

公房碑太守史劉熊碑曹全碑郡曹史曹全碑將軍

史郡列掾韓勅造禮器碑相史蒼頡廟碑少府史唐

公房碑太守史劉熊碑曹全碑郡曹史曹全碑將軍

史郡列掾韓勅造禮器碑相史蒼頡廟碑少府史唐

令史郭究碑額司志又云公府掾比古元士三命或

隸從事並繫以官曰漢初掾史辟皆上言之故有秩比命士其所不言

則為百石屬是士曹乃諸曹中之聞于朝比命士者

別于不命故曰士曹惟供曹比曹獻曹塞曹水曹無

文以明之志又云署諸曹事掾史屬二十四人以十

二曹計之每曹掾史各一人而漢碑掾則有右金曹

右賊曹中部史則有左戶曹右戶曹左賊曹竹葉右

賊曹中部左決曹右決曹竹葉左金曹張納右金

曹張納左倉曹右倉曹張納中倉曹中部左漕曹

右漕曹右集曹右兵曹張納外兵曹馮煥是每曹掾

史各四人有中外左右之殊十二曹當有九十六人

與志文不合疑漢末不能如制碑文又有祠祀掾無極

山碑白石鑿廟掾少室石闕銘開母當即戶曹門

下議掾史掾見曹全碑靈臺碑門下議生同當即奏曹又

有郵書掾曹全案志法曹主郵驛科程事則郵書即

法曹志又於司隸校尉云從事史十二人考諸漢碑

司隸中都官從事北軍中候郭仲奇碑志云都官

郵五與志同河隄從事吉成侯與志異又兗州從事

部歟韓勅碑冀州從事韓勅益州從事唐公房碑張

刺史王純碑豫州從事韓勅益州從事唐公房碑張

夏承州輔碑太守周際功勳銘額同冀州從事張

碑即志所云郡國從事志又云假佐二十五人考漢

碑有功曹書佐蒼頡與志同又有決曹書佐沛相楊

案志于太尉下云決曹主罪法事於司隸校尉下云

都官從事主察舉百官犯法者則決曹書佐當即都

官書佐又有單稱從事靈臺碑鄭季宣碑 樊毅修

事當即從單稱書佐北海相景君碑 功勳銘並有行

治中從事王純碑 樊敏碑志云州刺史功曹從事為治中從

事是也其郡縣掾史志云凡郡國歲盡遣吏上計又

云有功曹史五官掾五部督郵曹掾門亭長主記室

史諸曹各有書佐幹注引漢官員吏中有案獄仁恕

監津渠漕水掾文學守助掾循行幹小史考漢碑有

上計掾史掾見張納碑夏承碑掾史 功曹史 淮源廟

碑繁陽令楊君碑宋恩題名李孟初神祠碑蒼頡廟

碑陳德碑竹葉碑曹全碑 案樊毅修華嶽廟碑劉

熊碑華山廟殘碑蒼頡廟碑武氏石室題字曹全碑

亦單稱功曹楊君碑又兼稱處士功曹疑皆指功曹

史五官掾靈臺碑淮源廟碑博陵太守孔彪碑呂國

闕銘蒼頡廟碑武氏石室題字東部督郵唐公南部

督郵周燦銘張納中部督郵張納碑北海相北部督

郵竹葉碑靈臺碑都鄉孝子嚴舉碑武長魯王

石人刻字題字曹全碑單稱督郵文不備亭長墓前

郡國故列於此又案志亭有亭長此亭長與門

別主記史淮源廟碑潘乾碑費鳳碑中部碑蒼頡

疑並同又靈臺碑陰有主記書佐鄭季皆與志合又

有直事宣鄭季諸曹干同馬干即幹漢人借干為幹

編曰廣雅甲乙為幹史記歷書作干古蓋省為干是

吏之類也晉令諸郡國不滿五千以下置幹吏二人

釋曰百官志載郡縣吏屬自曹掾之下有書佐有循  
行有幹其旁上此碑故午六人在循行小史之間隸  
文幹字其旁上此碑故午六人在循行小史之間隸  
從上從午是幹字省文中部案獄仁恕三人此云都  
恕中志引漢官河南尹員吏案獄仁恕三人此云都  
水掾山西嶽華即監津渠漕水掾都水西漢時官名東  
都水屬郡國知文學主事掾張納即文學守助掾脩  
行北海郡即循行金石錄曰後漢書百官志注河南  
書職官志州縣吏皆有循行此碑作脩行豈循脩字  
畫相類遂致訛謬邪隸釋曰循猶隸法只爭一畫書  
碑者好奇從省借用都隸釋曰循猶隸法只爭一畫書  
而後漢書舊傳錄以脩為循傳琳瑯曰碑刻于漢  
碑本而信漢書且復引晉書為循傳琳瑯曰碑刻于漢  
其亦曰循行蓋仍漢書之誤案趙氏洪氏從後漢書  
以循行為正都氏從碑文以脩為循案趙氏洪氏從後漢書  
行爲正未知孰是姑從趙洪  
此小史同但繫以官耳與即幹小史與志亦合然志

但有主記室史而碑文復有主記掾張納碑蒼又張

納碑既有主記掾復有錄事掾曹全碑亦有錄事掾

蒼頡廟碑復既有文學主事掾復有文學史文學主

事史鄭季宣碑既有主事書佐復有門下書佐楊統

海相景君碑亦有門下書佐然不與主記記室錄事

諸書佐並列繁陽令楊君碑門下佐即門下書佐

記室書佐錄事書佐既有直事小史復有門下小史

豈志不詳歟抑漢末不能如制歟志又云凡縣諸曹

略如郡員五官爲廷掾鄉置有秩三老游徼考漢碑

有廷掾祀三公山碑少室有秩都鄉正衛彈碑

兼爲衡官有三老武氏石室題字國題名有衡官

游徼志同上游徼亦名督盜賊蒼頡廟碑有督盜賊

張納碑又有府後督盜賊與志文合然武氏題字有

游徼又有門下游徼其為同異未可知也又郡縣吏

有將作掾史掾見華山亭碑祀三公山碑少室石闕

銘史見華山亭碑帝堯碑守堯掾將

作吏即道橋掾漢安長陳君閣道碑蜀郡造橋碑

鑿市掾張納碑有南都造橋掾似當以四境分職

化史蒼頡皆不見于志又有行義掾韓勅碑北海

同仁德掾無極孝義掾宋恩未知所掌之職抑褒美

之稱今並無文明之又學官屬吏有業掾易掾尚書

掾詩掾春秋掾議掾文學掾文學孝掾學師守並不

見于志此則志文闕也又諸吏皆得稱門下門下掾

華山亭碑呂國門下史潘乾碑繁陽令楊君碑鄭季

題名曹全碑宣碑費鳳碑陳德碑曹全碑

門下議掾史門下書佐門下小史前見門下祭酒曹全

祭酒非職名門下賊曹費鳳碑蒼頡廟碑門下功曹

蓋一曹之長門下遊徼費鳳碑蒼頡廟門下督盜賊北海相此則

諸吏統稱非別有職掌也掾史之副名屬亦名副亦

口筭碑掾臣條屬臣准是名屬也史晨饗孔廟後碑

有副掾是名副也少室石闕銘有廟佐即廟掾之佐

開母廟石闕銘有將作掾佐是名佐也後漢書志云

東西曹掾比四百石餘掾比三百石屬也後漢書志云

引漢書音義正曰掾副曰屬是也注又引漢官員吏

壽碑守長史掾張納碑蒼頡守屬是也其待次未授職者

名從潘乾碑太守無名碑從史漢書兒寬傳顏師古注

從史者但只隨官僚不主文書是也蜀郡造橋碑有

納碑待事掾是也蒼頡廟碑有持事即待事之諺其

真宅舍殘碑兼掾史是也郭子歐趙洪三家子諸員吏



未嘗考訂因為辨析附錄于此其有遺漏俟他日補

綴焉其故民析言之亦有義民靈臺碑長蔡湛碑

故民素非所泣曰義民按此說非也堂邑令費鳳碑

有義民堂邑械忠忠為所泣而稱義民蓋謂其為行

義之民帝堯殘碑有行義民即義民耳復民漢時凡除

也但素非所泣者亦得統稱義民耳復民漢時凡除

田租徭役皆曰復故謂其民曰復民前漢文帝紀復

晉陽中都民三歲復後漢光武帝紀建武十九年復

南頓田租此復田租也建武五年詔復濟陽二年復

役六年田租改春陵鄉為章陵縣世復徭役此復徭役

也若田租徭役俱除則但曰復前漢高祖紀十一年

令豐人徙關中者皆復終身合士卒從入蜀關中者

皆復終身十二年吏入蜀漢定三秦者皆世復音

義曰復謂除其賦役也是也又除口筭亦曰復樊毅

有復華下民租賤民議民蔡湛碑金石錄曰復樊毅

田口筭碑是也賤民議民蔡湛碑金石錄曰復樊毅

之無字者以阿挈其名為字與有字者相配仲東阿

東靈臺碑碑又云仲劉奉阿奉劉興阿興穀阮君

阿東仲阿先仲阿同劉奉阿奉劉興阿興穀阮君

神祠碑

齊而強加之猶今間巷之婦以阿書石者欲其整

是也並

附錄

書門生門童弟子不同例

泰山都尉孔宙碑陰門生鉅鹿瘿陶張雲字子平云云

門童安平下博張忠字公直云云弟子北海劇陸暹字

孟輔云云

集古錄曰親受業者為弟子轉相傳授者為門生隸

釋曰以久次相傳授曰門生未冠曰門童總而稱之

亦曰門生日知錄曰後漢書賈逵傳皆拜逵所造弟

子及門生為千乘王國郎是弟子與門生為二漢人

以受學者為弟子其依附名勢者為門生到壽傳時

大將軍竇憲以外戚之寵威傾天下憲常使門生齎書詣壽有所請託楊彪傳黃門令王甫使門生于京兆界辜權官財物七千餘萬憲外戚甫奄人也安得有傳授之門生乎又曰南史所稱之門生今之門下人也宋書徐湛之傳門生千餘人皆三吳富人之子資質端妍衣服鮮麗每出入行游塗巷盈滿謝靈運傳奴僮既眾義故門生數百南齊書劉懷珍傳懷珍北州舊姓門附殷積啟上門生千人充宿衛孝武大驚其所執者奔走僕隸之役晉書劉隗傳周嵩嫁女門生斷道斫傷二人建康左尉赴變又被斫南史齊東昏候紀丹陽尹王志被驅急狼狽步走惟將二

門生自隨后妃傳門生王清與墓工始下插劉瓛傳游詣故人惟一門生持胡牀隨後是也其初至皆入錢爲之宋書顏竣傳多假資禮解爲門生充朝滿野殆將千計梁書顧協傳有門生始來事協知其廉潔不敢厚餉止送錢二千協怒杖之二十南史姚察傳有門生送南布一端花練一疋察厲聲驅出是也故南齊書謝超宗傳云白從王永先又云門生王永先謂之白從以其異于在官之人陳書沈洙傳建康令沈孝軌門生陳三兒牒稱主人翁顏氏家訓亦以門生僮僕並稱而宋書顧琛傳尚書寺門有制八座以下門生隨入者各有差不得襍以人士其冗賤可知

矣劉昭傳不私蓄門生蓋所以矯時人之弊該餘叢考曰漢時門生本非弟子之稱後漢書楊厚傳門生上名錄者三千餘人曰上名錄則不必親受業但習其學卽是也鄭康成傳康成沒門生相與撰其問答諸弟子之詞依論語爲鄭志以弟子問答之詞而門生撰述之蓋如論語所謂門人受業于弟子者也李固傳固下獄門生王調貫械上書證其枉及固死陳屍于路固弟子郭亮負銖鎖乞收固屍曰門生曰弟子又可見門生之非弟子也惟其不必親受業但爲其學者皆可稱門生于是依勢趣利者並不以學問相師而亦稱門生蓋卽後世拜門生之陋習也又

曰唐以後始有座主門生之稱六朝時所謂門生則非門弟子也其時仕宦者許各募部曲謂之義從其在門下親侍者則謂之門生如今門子之類宋書王微嘗將門生兩三人入山采藥南史庾子輿之官巴陵病篤不肯入厩因勒門生不許輒入城市何敬容免官後起爲侍中其舊時賓客門生喧譁如舊冀其復用臧嚴爲武寧郡守以數門生單車入境北史崔或精于醫廣教門生令多救療此數者以之移作門弟子尙可通至如沈慶之佐孝武起兵元兇劭使慶之門生錢無忌齋書使之解甲慶之執以見孝武薛安都降魏大見禮重至于門生無不收敘慶之安都

皆武人目不知書若如後世受業弟子安得有此又謝靈運因祖父之業奴僮既眾義故門生數百鑿山浚湖功役無已則并用之功役矣王僧達爲吳郡守西臺寺多富沙門僧達遣主簿顧曠率門義劫寺得數百萬門門生義義從也則並用之劫掠矣劉義宗坐門生杜德靈放橫打人免官德靈以姿色故義宗寵之則又取其姿媚矣宋孝武責沈勃周旋門生競受賄賂少者至萬多者千金則并大收其賄賂矣又徐湛之謀逆謂范蔚宗曰已報滅質悉攜門生義故前來故應得健兒數百則并用之叛逆矣合此數事以觀則門生不過如僮僕之類非受業弟子也其與

僮僕稍異者僮僕則在私家此蓋在官人役與胥史同顧琛傳琛以宗人顧碩寄尚書張茂度門名而私與碩同席坐乃坐譴益可知門生者正如胥史之類也然富人子弟多有爲之者蓋其時仕宦皆世族而寒人則無進身之路惟此可以年資得官故不惜身爲賤役且有出財賄以爲之者陸慧曉爲吏部尚書王晏典選內外要職多用門生義故慧曉不甚措意王琨爲吏部自公卿下至士大夫例用兩門生江夏王義恭屬用二人後復用有所屬琨不許此可以見當日規制也顧亭林旣謂六朝門生與僮僕同而謂其非在官之人則未知門生有可入仕之路不得謂

非在官人也許君宗寅曰後漢書桓榮傳顯宗幸太常府令榮坐東南設几杖會榮門生數百人又云每大射養老禮畢輒引榮及弟子升堂執經一曰門生一曰弟子是門生與弟子無別也又牟長樓望各傳所言門生實卽弟子顧氏趙氏皆不引蓋亦難于置辨也案門生弟子對文則別散文則通史傳所載甚多不備錄

書處士與德行好學不同例

酸棗令劉熊碑陰處士宋口仲博云云好學尹闕云云

德行蘇倉子盈云云

隸釋

處士義見卷一碑陰書處士有二例韓勅造孔廟禮

器碑河南成臯蘇漢明二百其人處士此以處士繫于姓名之下又云處士魯劉靜子著此以處士加于姓名之上又有稱處士友者見元儒先生婁壽碑蓋壽之友也隸釋曰處士之後有好學四十餘人必泮宮之后進以處士爲丈人行者其間有德行一人必是嘗貢孝察廉者案後漢書和帝紀注引漢官儀曰建初八年詔書辟士四科一曰德行高妙志節清白是德行一人乃儲以應辟者非嘗貢孝察廉也國語齊語管子曰正月之朝鄉長復事君親問焉曰于子之鄉有居處好學慈孝于父母聰惠質仁發聞于鄉里者有則以告是好學乃人材之曰非後進也

書清白士與聘士不同例

高朕石室題名清白士云云

隸續 土 卽士字

書清白士與書德行一也後漢辟士四科一曰德行

高妙志節清白前見左雄傳鄉部親民之吏皆用儒生

清白任從政者傳論漢初詔舉賢良方正州郡察孝

廉秀才中興以後復增敦樸有道賢能直言獨行高

節質直清白敢厚之屬是也其以清白待辟見于史

者馮緄傳弟允清白蔡邕傳父稜有清白行呂布傳

高順爲人清白周澤傳孫堪清白貞正樓望傳操節

清白李邵傳弟子厯清白有節是也漢以清白課士亦以清白課吏

安帝紀元初六年詔選孝廉郎寬博有謀清白行高者五十人延光元年詔舉刺史二千石令長相清白

愛利有益于人者是也其居官清白見于史者度尚傳交陞刺史張磐以清白稱朱暉傳遷泰山太守因上便宜詔報曰補公家之闕不累清白之素斯善美之士也楊震傳轉涿郡太守性公廉不受私謁子孫常蔬食步行曰使後世稱爲清白吏子孫謝該傳少府孔融上書薦之曰竊見故公車司馬令謝該清白異行此以清媯士卽徵士義見卷一此媯士當是曾白課吏之驗

經徵辟而未就者 義士及弟子統名諸生服義例

謁者景君碑陰諸生服義者義士北海劇張敏字公輔

弟子濟北荏平甯尊字伯尊云云隸釋

金石錄曰漢時墓碑多門生故吏所立往往各紀姓

名于碑陰或載所出錢數其非門生故吏而出錢者

謂之義士隸釋曰掾屬曰故吏占籍曰故民非吏非

漢石例卷之三  
民曰處士素非所蒞曰義士金石文字記曰處士者  
德行可尊之人義士則但出財之人而已今人出財  
布施皆曰信士宋太宗朝避御名凡義字皆改爲信  
今之信士卽漢碑所稱之義士也案今之信士賤民  
亦得稱之此義士在弟子士又統名諸生當是好義  
之士與今之濫稱信士有別又義士與義民同義民見前  
注但一稱士一稱民耳所蒞之民得稱義民見前義  
士亦然洪氏謂素非所蒞曰義士非也義士爲尊稱  
故諸碑書法與諸生別此統云諸生服義蓋雖未受  
業必是弟子行也

書分子例

義井碑陰分子云云

隸釋

此非墓碑以類相從故錄于此隸釋曰碑陰稱五大  
夫者三十一人稱分子者六十八漢承秦制爵二十  
級其九爵曰五大夫漢末以貲受爵比屋皆然此碑  
五大夫所以若是之眾也惟分子未詳穀梁曰燕周  
之分子也注云燕召康公之後分子謂周之別子孫  
也陸德明音義分本或作介姚氏鄭云分子當是別  
形近而誤范甯時兆故傳本未誤故注云謂周別子孫也  
唐以後其文舛失故疏解失之按分子卽別子不必  
改從作兆范注明云分子無從知范本爲別子漢  
時諸碑皆作分子豈皆形近之誤耶姚說殊非景  
北海碑鴉梟不鳴分子還養蓋用家富子壯則出分  
之語謂惡逆之鳥鉗喙無聲外爨之息歸奉三牲也

耿勳碑脩治狹道分子効力謂正丁已供差徭分子亦來助役此碑分子似指土豪出分子三碑皆與穀梁合按史記楚世家共王有寵子五人無適立乃望祭羣神召五分子齋而入是亦分子卽別子之證  
分書奔喪持服例

王元賓碑陰載門生姓名云右奔喪右斬杖三年

金石錄

奔喪禮也持服非禮也此因書奔喪而類及之非以持服著爲例也金石錄曰聖人制禮爲可繼也禮曰事師無犯無隱服勤至死心喪三年孔子之喪門人疑所服子貢曰昔者夫子之喪顏淵若喪子而無服喪子路亦然請喪夫子若喪父而無服漢人爲王君

乃爲斬衰之服于禮無乃過乎

隸續景北海碑陰

行三年服者凡八十七人陔餘叢考曰荀爽爲司空袁逢所辟有道不應及逢卒爽制服三年桓鸞爲太守向苗所舉孝廉除膠東令始到官而苗卒鸞卽去官奔喪終三年此爲舉主持服者王吉被誅屬吏桓典收歛歸葬服喪三年劉瓚以冤死王允爲瓚吏送喪還其家終三年乃歸此爲長吏持服者後魏書公孫邃爲青州刺史卒佐吏疑所服詔曰主簿近代相承服斬過葬便除可如故事自餘無服殊覺寥寥可齊衰三月則感恩知已私自制服之例且上達朝聽至發詔爲定令矣由叢考之言推之漢末門生故吏



持服必是時王之制故景北海之歿持服至八十七人之多然非周孔所許也又案漢書龔勝傳門人衰經治喪者百數後漢書荀淑傳淑卒李膺時爲尙書自表師喪陳寔傳年八十四卒海內赴者三萬餘人制衰麻者以百數延篤傳以師喪棄官奔赴孔昱傳以師喪去官李邵傳門人馮胄制服心喪三年此弟子爲師也樂恢傳仕本郡吏太守坐法誅恢奔喪行服恢死弟子縗經輓者數百人傅燮傳聞所舉郡將喪乃棄官行服童恢傳聞舉將喪棄官歸此士大夫爲舉主也皆叢考所遺

分書某代門生例

高陽令楊著碑陰題名云右後公門生右沛君門生集錄

隸釋曰沛君沛相統也後公太尉秉也楊震拜于前故以秉爲後沛君者著之從兄後公者著之季父

碑文自標撰文人姓名例

處士囷叔則碑臨沒顧命口知我者其蔡邕乃爲銘載

書休美

蔡中郎集

顧命二字今人宜避見敘水經注睢水篇漢廣野

君廟碑延熹六年十二月雍邱令董生命縣人萇照爲文用章不朽之德此亦碑文自標撰文人姓名附錄于此廟碑例不更見

碑文首書撰文人姓名碑末書立碑人姓名又系以詩詩後又列同立碑人姓名例

堂邑令費鳳碑於是夫人元弟故口口口守卜脣邊而誅之其辭云云碑末故吏故鄣施業字世堅義民堂邑戚忠忠年十有一慈考早隕喪云云門生功曹徐侃字元節云云隸釋

碑文渾書撰文人碑陰詳列立碑人末作四言詩敘故吏持服行喪之事例

北海相景君銘於是故吏諸生乃作誄云云隸釋碑陰故中部督郵都昌羽忠字定公云云碑陰末豎建口口惟故臣吏慎終追遠諒闇沈思云云隸釋

諒闇二字今人宜避見敘

碑文中敘詔冊例

國三老袁良碑帝御九龍殿引君對覲與酒飯賜飲宴冊曰云云隸釋

吉成侯州輔碑君懷立聖主有安社稷之勳建和二年七月己巳詔冊云云同上

碑文中敘贈卹例

太尉劉寬碑天子閔悼惻怛內發手筆為策口涕咨嗟使右中郎將張良持節臨弔贈車騎將軍印綬位特進賜珍賄襚有加典禮復使五官中郎將何夔持節諡曰昭烈侯隸釋

碑文中敘哀誄例

陳太邱碑大將軍弔祠錫以嘉謚曰徵士陳君秉嶽瀆之精苞靈曜之純云云太守南陽曹府君命官作誄曰赫矣陳君命世是生云云蔡中郎

碑文但錄詔冊不復撰文例

漢安帝賜豫州刺史馮煥詔告豫州刺史馮煥云云末一行元初六年十二月隸釋

碑文載詔書常例也此無上下文但錄詔書與袁良諸人碑異此石當亦是立于墓前今人墓石全刊誥贈之文此其權輿

碑末或陰附錄詔冊例

中常侍樊安碑末制詔中常侍樊安云云末書延熹元年八月二十四日丁酉下古文苑

詔書在元年立碑在三年詔書當入碑文而繫于末例之變

費亭侯曹騰碑陰惟建和元年七月廿二日巳巳皇太后曰云云制曰云云隸釋

隸釋曰前一篇就國策書乃梁太后臨朝時後一篇乃褒贈策書

碑末補書先世例

執金吾丞武榮碑文末君即吳郡府卿之中子啟煌長史之次弟也隸釋

碑末附載他人例

綏民校尉熊君碑末故長沙茶陵長文春字季秋質操  
貞良慈仁汜愛治天官日度風角列宿明知聖術在官  
脩德民歌遺風春秋七十以道殞遷宗胤不紀故為宣  
昭故桂陽陰山豫章口長重安侯相杜暉字慈明體質  
宏亮散仁好道治易梁邱春秋公羊氏綜覽百家無所  
不甄典歷三城居官清惠遺愛在民春秋六十終族後

闕術故因顯德以示來胤

釋

隸釋曰碑後載文杜二人官壽行事各數十言似是  
同郡盛德之士作文者惜其無所記錄故附之左方  
有誌無銘例

袁滿來墓碑茂德休行曰袁滿來太尉公之孫司徒公

之子起乃假碑旌于墓表嗟其傷矣惟以告哀止蔡

車騎將軍馮緄碑君諱緄字皇卿幽州君之元子也起

故刊石表績以誌來世止隸釋後有數語敘孝桓

不相連蓋碑末附錄

有銘無誌例

王史威長銘明明哲士知存知亡崇隴厚豐非甯非康

云云博物志

京兆尹樊德雲銘於顯哲尹誕德孔彰膺帝休命謂篤

不忘云云蔡中郎集

古人誌銘不必一人作或作誌或作銘故二者不備

誌文接入銘詞不標詞曰銘曰等字例

太尉楊公碑於是門人學徒相與刊石樹碑表勒鴻勳  
讚懿德傳億年於戲公惟嶽靈天挺德翼至神云云蔡中

集郎

太守胡公碑銘於時陳留主簿高吉蔡軫等咸以郡選  
充備官屬乃相與哀經庭位號吡靈柩遂樹碑作銘以  
表令德於藐下國瞻仰俊乂欽見我君爰綴我惠云云

同上

中郎集又載瑯琊王傅蔡公碑彭城姜伯淮碑貞節  
先生范史雲碑元文先生李子材碑議郎胡公夫人  
哀讚例並同不備錄

自作誌銘例

杜鄴臨終作文曰魏郡杜鄴立志忠款犬馬未陳奄先  
草露骨肉歸于土魂無所不之何必故邱然後卽化長  
安北郭此焉宴息西京雜記

趙岐久病勅兄子立石刻曰漢有逸人姓趙名嘉有志  
無時命也奈何後漢書本傳

生題石槨例

延年益壽槨題字永初七年四月卅日造焉是萬壽延  
年益壽槨續隸

歿題石槨例

景君石槨銘惟元初四年三月丙戌景君卒以五年二

月口口口口

隸釋

趙氏陔餘叢考曰唐書鄭欽說傳梁任昉于大同四年七月在鍾山塘中得銘曰龜言土著言水旬服黃鍾啟靈祉瘞在三上庚墮遇七中已六千三百浹辰交二九重三四百圯當時莫有解者戒子孫世世以此訪人昉五世孫寫以問欽說欽說方出使得之于長樂驛行三十里至敷水驛乃悟此塚葬以漢建武四年三月十日圯以梁大同四年七月十二日也解在欽說傳內則漢時銘墓又有此一種蓋卽莊子所謂石槨銘之類

生壙碑末夾注年歲及其子名爵工師姓名例

梁相孔耽神祠碑末夾行注云子得述父臣得錄君故紀焉時君年七十二自所立作君子颯作內至卽室字漢人省筆時已更郡諸曹史督郵承詔紀行手自注石治師同縣朱遶朱祖并作畜郭隸釋

隸釋曰碑末有小字數十敘孔君之年及其子歷官

與石工姓名碑文云定吉兆于天府覩工匠之所營

心欣悅於所處又有子得述父之句則是孔君自作

壽藏而厥子刊石也自營槨墓始見于禮記檀弓所載宋桓繼事壽藏之名始見于

後漢書趙岐傳又稱壽冢見宦者侯覽傳李賢曰稱壽者取其久遠之意也猶如壽官壽器之類

墓碑中兼敘他石畫象及雕畫工人例

從事武梁碑孝子仲章季章季立孝孫子儁選擇名石

南山之陽擢取妙好色無斑黃前設礪礪後建祠堂良

匠衛改雕文刻畫羅列成行攄騁技巧委蛇有章隸釋

隸釋曰此碑長不半尋廣纔尺許既無雕畫技巧亦

非羅列成行其辭決不為碑設似是指石室畫象

案礪與壇同礪與壇同左氏襄十八年正義云尙書

為三壇同壇王肅本壇作坦是也

耐葬穿中石柱題詞例

張賓公妻穿中二柱文一書維兮本造此窀者張賓公  
妻子偉伯伯妻孫陵在此右方曲內中一書維兮張偉  
伯字長仲以建初二年六月十二日與少子叔元俱下  
世長子元益為之祖父窀中造內栖柱作崖棺葬父及

弟叔元隸釋

隸釋曰本張賓公之妻之穴其子偉伯及偉伯妻與

其孫陵皆耐葬右方曲內中故志之其一則偉伯之

孫元益葬其父並弟叔元所志也其云建初二年亦

埋銘之椎輪

石室題詞例

孝堂山石室題字泰山高令明永康元年十月廿一日

敬來觀記之平原濕陰邵善君以永建四年四月廿

四日來過此堂叩頭謝賢明金石萃編

高朕石室太守張景題字光和六年四月太守張景云

云又博士題字關議采夫關以詩書發關京師云云又

宏農太守張君題字故孝廉云云又題名闕土成都杜宣字管偉云云隸續

石室詳下廟碑例注案後人謁前人墓題名石室因記年月如孝堂山石室題字常例也若高聯石室題字張景之追遠博士及宏農太守之通經並刻于聯石室中隸續曰張景題字在高聯石室梁上中有追念先祖早失覆口孤熒自悲紀刊先象之句相去尺許有少子早歿之文前有治郡二字蓋張君追遠之詞博士題字亦在石室中云以詩書發口京師受業春秋口仲舒智非胡毋末云道為國師出典方州忠著金石張君題案亦在石室中其文有著德義方襲父經業春秋尚書海內歸高之句與前一人皆是以經學名家者當時門生故更恐其無聞刊紀德業此如綏民校尉熊君碑附載文杜二人也在題詞中為變例

石人刊字例

魯王墓石人胸前題字一府門之卒一漢故樂安太守庶君亭長金石萃編

牛氏運震金石圖曰魯王墓前東側一石人介而執笏高五尺腰圍七尺刻曰府門之口一石人冕而拱手立領下裂文如滴淚痕高五尺五寸腰圍七尺五寸胸列漢故樂安太守庶君亭口十字兩石人並肩西向翁氏兩漢金石記曰予得拓本諦審之府門之下是卒字亭下是長字案廟中亦有石人水經注穀水篇漢廣野君酈食其廟有兩石人對倚北石人胸前銘云門亭長附錄於此後不更見



石獸刊字例

吉成侯州輔冢石獸一刻辟邪一刻天祿水經注金石錄後漢書

注載宗資墓石獸同見注

水經注漁水篇曰州苞冢有兩石獸人有掘出一獸

左膊上刻作辟邪字金石錄曰吉成侯州輔見後漢

書宦者傳酈道元以輔為苞誤其一辟邪道元所見

其一乃天祿字案漢書西域傳烏弋山離國有桃拔

孟康曰桃拔一名符拔似鹿長尾一角者或為天祿

者按此者字衍當在下文兩角下兩角或為辟邪此言桃拔之一角

者或名天鹿桃拔之兩角者或名辟邪也亦有無角

者後漢書章帝紀章和元年月氏國遣使獻扶拔師

子李賢注扶拔似麟無角和帝紀章和二年安息國

遣使獻師子扶拔扶拔即符拔古玉圖譜載辟邪形

有一角二角三角無角者蓋分言之則無角者亦是

符拔不名辟邪名辟邪者二角名天鹿者一角通言

之則一角二角無角皆可名辟邪也圖譜又載大鹿

有兩角三角之異兩角即辟邪而名天鹿博古圖載

周辟邪鐘凡六其第三鐘紐兩辟邪左右像各露一

角第五背面像各有二角又車輅托轅凡二一左面

一右面各露一角漢辟邪鐘二並露兩角一角即天

鹿而名辟邪是天鹿辟邪亦通稱也圖譜所載雖多

後人偽作然皆仿古鐘鼎文為之亦自有所本也州

輔豕列二石獸而變鹿爲祿者鹿與祿古字通且取其吉也隸釋載魏大饗碑云白虎青鹿辟邪非辟邪之恠獸隸續載李氏鏡銘云白虎辟邪主除道又曰鏡有二獸奮迅挈攫二獸卽白虎辟邪也詩騶虞毛傳云騶虞白虎黑文此鏡刻一爲騶虞一爲桃拔之兩角者也後漢書靈帝紀修玉堂殿鑄天祿蝦蟆李賢注天祿蝦蟆吐水于平門外事具宦者傳今鄧州南陽縣北有宗資碑旁有兩石獸鐫其膊一曰天祿一曰辟邪據此卽天祿辟邪並獸名也漢有天祿閣亦因獸以立名案李說是也水經注沔水中蔡瑁冢前刻石爲大鹿狀甚大頭高九尺大鹿疑作天祿一角

二角未有明文又汲水篇隧前有師子天祿其制亦同

交趾刺史石羊刻字口趾刺史口君羊

隸續

隸續曰土人謂之鄧君冢闕蓋墓道石羊膊上所刻种氏石虎刻字光祿七年四月五日己丑孝子种覽元博所造

同上

案漢人墓前祠廟碑闕石人石獸之制史無明文水經注清水篇漢桂陽太守趙越墓冢北有碑碑東又有一碑碑北有石柱石牛羊虎又陰溝水篇特進費亭侯曹嵩冢北有碑碑北有廟堂廟北有二石闕高一丈六尺闕北有圭碑碑陰又刊詔策二碑文同夾

碑東西列對兩石馬高八尺五寸案此二墓祠廟碑  
柱石獸皆在冢北其墓當是北向趙越冢前有碑  
前石柱石獸曹嵩冢前有碑碑前石廟廟前石闕  
前復有碑又俠以二碑二石馬此其異也又洧水篇  
漢宏農太守張伯雅墓塋域四周壘石爲垣隅阿相  
降列于綏水之陰庚門表二石闕夾對石獸于闕下  
冢前有石廟列植三碑碑側樹兩石人有數石柱及  
諸石獸舊引綏水南入瑩域而爲池沼沼在丑地皆  
蟾蜍吐水石隍承溜池之南又建石樓石廟前廟當作樓  
又翼列諸獸案此墓西向故冢前石廟廟前碑碑側  
石人石柱石獸又前石闕闕下又列石獸其右爲石

樓樓前又列石獸其水由南而北縈帶墓域歸墟于  
丑洵佳城也又睢水篇漢太尉橋元墓冢東有廟冢  
列數碑廟南列二石柱柱東有二石羊羊北有二石  
虎廟前東北有二石駝駝西北有二石馬又渥水篇  
漢安邑長尹儉墓東冢西有石廟廟前有兩石闕闕  
東有碑闕南有二獅子相對南有石碣二枚石柱西  
南有兩石羊案此二墓皆南向橋元冢前碑冢東廟  
廟前石柱柱左迤北至廟左皆列石獸尹儉墓塚對  
文墓者其葬處冢者封土爲壇詳後墳壇石例廟在二者之  
間廟南石闕闕南獅子石碣闕東有碑卽在冢前乃  
壇碑也西南石羊卽在墓前此其異也又案瓠子水

篇仲山甫冢西有石廟羊虎傾低破碎略盡豈此制已仿于周而漢人增飾之與

記冢地例

真道冢地碑欲負冢土勿取冢地中法取東吉利慎勿取西北土也云云延熹五年七月中旬真道字直中以錢八千從有親真敖字政直直弟政升升二從弟漢中市冢地廣廿二丈云云子孫但得宿山居留不得爭舍地云云後冢東行廣五丈北行不得作冢可示後世冢前也後世作冢從此冢後併墳北行門出西口地也隸續爾雅釋親族舅弟之子相謂爲親同姓此云有親親同姓也併墳之併與竝同顏師古漢書武帝紀注竝

讀曰傍傍依也音步浪反


史記秦始皇紀竝陰山蕭竝渤海竝河竝卽傍

君令裕曰紹興漢大吉碑云兄弟六人共買山地建初元年造此冢地直三萬錢此亦記冢地也碑首書大吉二字附錄于此不更爲例

冢地書向例

郎中馬江碑故瑩廸苦地告斯士先君之庚地隸釋士卽土字

梁君玉繩誌銘廣例云堪輿家羅經之術見于文中漢以來有之矣



漢石例卷之四

寶應劉寶楠錄

石埭徐士愷子靜校字  
吳縣朱記

廟碑例

碑額稱廟例

太尉橋公廟碑蔡中郎集

西嶽華山廟碑隸釋

鄭氏祭法注廟之言貌也劉熙釋名廟貌也先祖形

貌所在也案碑額稱廟常例也然隸釋載堯廟碑

篆額作帝堯碑老子廟碑篆額作老子銘廟碑亦並稱銘

非正例因附錄焉

碑額稱神祠例

漢故行梁相事陽孔君之神祠錄金石

殺阮君神祠之碑銘釋隸

周禮大宗伯以祠春享先王司尊彝亦曰春祠爾雅  
春祭曰祠詩天保毛傳本之正義引孫炎爾雅注云  
祠之言食說文祠品物少多文辭也仲春之月祠不  
用犧牲用圭璧及皮幣呂覽禮記作祀不用犧牲淮  
南作祭不用犧牲是祠本祭祀之名後人即以所祠  
之廟名祠史記封禪書自禹興而修社祀后稷稼穡  
故有稷祠案祀稷以壇不以廟則稷祠據漢時言非  
三代時有稷祠也封禪書又曰自古以雍州積高神  
明之隩故立時郊上帝諸神祠皆聚云神祠二字始

見於此則秦文公時也封禪書又稱文公作鄜祠德

公作伏祠單言祠始此兩漢書多單言祠餘叢考

死遠令葬之於桐桐人果為立祠後漢書周嘉為零

陵守卒吏民為立祠王煥為洛陽令卒民立祠於安

陽亭西祭形在遼東既歿吏民為立祠此死後立祠

者史記石慶為齊相齊人為立石祠後漢任延為

九真太守吏民為立祠此生而立祠者案叢考所引

證外後漢書鄧禹傳家為訓立祠侯霸傳臨淮吏

人共為立祠荀淑傳二縣皆為立祠許荆傳桂陽人

為立廟樹碑方術許楊傳太守鄧晨為楊起廟高獲

傳石城人共為立祠王喬傳百姓乃為立廟號葉君

祠西南邱都夷列傳越雋太守張翁得夷人和詔立

立祠韋彪傳廣都為義生立廟王堂傳吏民生為立

祠張奐傳百姓生為立祠者

是也然不可為例

碑額稱祠堂例

郡掾史張元祠堂碑

蔡中郎集

陔餘叢考曰今世士大夫家廟皆曰祠堂按三代無祠堂之名東坡逍遙臺詩自注云莊子祠堂在開元此或後人因其葬處爲之非漆園時制然王逸序天問云屈原見楚先王之廟及公卿祠堂畫天地山川神靈奇詭之狀因書壁而呵問之則戰國末已有祠堂矣漢書張安世及霍光傳將作穿復土起冢爲祠堂其時祠堂多在墓地故司馬溫公謂漢世公卿貴人多建祠堂於墓所在都邑則鮮如成都立諸葛祠堂蓋一二而已光武紀建武十七年冬幸章陵悉爲舂陵宗室起祠堂因謁陵而起祠堂則亦或在墓也

後漢書越巂太守張翕在郡十七年得夷人和旣卒夷人愛慕送其喪歸詔書嘉美爲立祠堂又清河王慶欲爲母宋貴人作祠堂不敢上言常以爲沒齒之恨魏略明帝東征過賈逵祠詔埽除祠堂有穿漏者補治之北史崔士謙傳士謙爲荊州刺史及卒闔境痛惜之立祠堂四時祭享周書司馬裔卒家室卑陋喪延無所乃詔爲起祠堂此則不在墓所尙沿祠堂之名唐以後士大夫各立家廟祠堂名遂廢近世祠堂之稱起於元元史仁宗建阿朮祠堂英宗建木華黎祠堂朝廷所建跡以爲名則士大夫私廟可知矣

錢氏大昕錢氏祠通稱焉故祠於壇謂之祠壇祠於城謂之祠

城祠於堂謂之祠堂典祠之官曰祠官太常有祠曹其儀式則曰祠令祠者祭之名而非祭之所漢志所稱某縣有某祠者謂祠其神於此地非指其室而言洪氏隸釋載穀院君神祠碑孔君神祠兩碑亦是此例後人習焉不察直案漢人祠堂本在墓上武梁碑以祠為祀神之所矣

前設壇俎後建祠堂是也叢考所引證外漢書龔勝傳勿隨俗動吾冢種柏作祠堂後漢書馬援傳援夫人卒乃更修封樹起祠堂桓榮傳負土成墳為立祠堂張輔傳顯節陵埽地露祭欲率天下曰儉其無起祠堂王符傳載潛夫論浮侈篇曰今京師貴戚郡縣豪家生不極養死乃崇喪造起大冢廣種松柏廬舍祠堂務崇華侈此皆祠堂在墓上之證也亦稱堂祠

據梁休碑立堂祠是也亦稱祠廟後漢書宗室四王傳安城孝侯賜帝為營冢堂起祠廟是也亦稱祠室

漢書張禹傳自治冢塋起祠堂後漢書清河孝王傳謂宋衍曰猶當應有祠堂是也亦單稱祠漢書朱邑傳起冢立祠是也

案此則祠堂與神祠有別故別著為例其實不必墓次凡祠亦得稱祠堂叢考所引證外漢書文翁傳吏民為立祠堂是也

漢人墓有廟又有石室石室與廟別當是廟中之寢在廟北廟一名祠堂一名石廟石室一名祠一名石祠水經注河水四司馬子長墓前有廟永嘉四年漢陽太守殷濟大其功德遂建石室又泚水篇漢日南太守胡著廟北有石室是石室與廟別也又濟水二荊州刺史李剛墓有祠堂石室祠堂與石室對文是廟名祠堂也又引戴延之西征記漢司隸校尉魯恭冢前有石祠石廟又



漢扶溝侯朱鮪墓北有石廟又阪水篇漢司徒盛允墓有石廟渙水篇漢安邑長尹儉墓有石廟是石室名石祠廟名石廟也又阪水篇睢陽城東有石室刊云漢鴻臚橋仁祠是石室名祠也據此知漢人祠廟多在墓上然非墓上而立祠廟亦得名祠廟故不入墓碑例中特石廟石室石祠之名則專指墓上祠廟言耳

碑額載郡邑名字例

故宛令益州刺史南郡襄陽李口字孟初神祠之碑金石

編萃

碑額書爵書姓常例也此並載郡邑名字例之變也

碑額有單稱邑名者漢故行梁相事碣孔君之神祠是也見前以此例之文不備也

嶽廟石闕題詞例

嵩山太室神道石闕銘惟中口口嵩高神君云云元初五年四月陽城口長左馮翊萬年呂常始造作此石闕後列職官姓名字多漫滅不可識金石文

字記 記又載少室神道石闕銘文多闕

古文苑載西嶽華山堂闕碑銘云於是鎮遠將軍領

北地太守閭鄉亭侯段君諱煨字忠明修飾享廟禮

廢而復興又造祠堂表以參闕建神路之端首觀壯

麗乎孔徹文雖及建闕其實則祀廟碑文故不入例

神廟石闕題詞例

開母廟石闕銘口口口開母廟口口神道闕時太守口  
口朱寵丞零陵泉陵薛政云云以上題名口口口口口口百  
川云云延光二年以上銘文重曰口口口口口口德祥溢而

溥優云云以上後銘文  
金石文字記

金石文字記曰漢避景帝諱改啟曰開金石圖曰銘  
文四言重曰以下六言儷如賦語又有四言銘為季  
度作所謂季度銘也

廟門題額例

膠東令王君廟門斷碑額漢故膠東令王君之廟門隸續

廟門書先世官系及政績例

膠東令王君廟門斷碑二其一自王氏之先云云其一

口念鼎足爰建時雖云云隸續

隸續曰上段是敘事之文下段是四字韻語必是二

石毀闕好事者匝而一之

碑敘首書修廟年月日及修廟人爵里姓名字例

禹廟碑光和二年十二月丙子朔十九日甲午皮氏長

南陽章陵劉尋孝嗣丞安定烏氏樊璋元孫金石錄

漢書百官公卿表下宏農太守沛范方渠中翁為執

金吾師古曰沛人姓范名方渠字中翁又光祿大夫

河東暴勝之公子為御史大夫師古曰公子亦勝之

字後皆類此案此則紀載之文先書爵里次姓名字

定例也如有興建兼詳其年月日禹廟碑是也其有

但書修廟月日及修廟人爵里姓不詳書名字者桐

柏廟碑碑云延熹六年正月乙酉南陽太守中山盧奴口君集古錄引此碑云奴下闕字當是其

姓但書年月日者樊毅修華嶽廟碑碑云惟光元年歲在戊午名

日咸池季魯相史晨祠孔廟奏銘碑云建寧二年三月癸卯朔七日已

酉見集古錄但書年月者東海相桓君海廟碑碑云惟永

壽元年春正益州太守高朕修周公禮殿記碑云漢初平五

月倉龍甲戌韓勅修孔廟後碑碑云皇漢帝元永

天季月韓勅修孔廟後碑碑云皇漢帝元永

孟秋之句文有詳略無義例也

碑敘首書謁廟人爵里姓名字及年月日例

魯相晨謁孔子冢文魯相河南史君諱晨字伯時從越

騎校尉拜以建寧元年四月十一日戊子到官金石錄

作史晨饗孔廟後碑

碑敘首書修廟祭廟人爵里姓名字碑末書助修

廟人世系德業並繫以吉語例

濟陰太守孟郁脩堯廟碑濟陰太守河南匡師孟府君

諱郁字敬達聞帝堯陵在成陽遣戶曹掾史具中牢祠

常以甲子日與西宮樂生俱詣大聖云云知聖堯精靈

與天通神修治口鑿地致播瑚石闕二坐云云時令河

南河南呂君諱亮字元山丞河內州王諱萇字伯盛左

尉潁川潁陽口諱愔字世高因孟府君飭治大鑿自率

掾史口口駐駕便坐孟府君必受大聖嘉福公侯傳子

孫呂君諸璧干祿于天令裕衍蔓永流無窮碑末惟序

仲氏祖統所出本繼於姬周之遺苗天生仲山甫翼佐  
中興宣平功遂受封於齊周道衰微失爵亡邦後嗣乖  
散因氏仲焉子孫承緒履仁好義耽樂道術誨人不倦  
海內稱之曰鴻術之宗天鑒孔明祚善應口印紱相承  
銀艾不絕孟府君繕飭壁墻立百石舍仲氏宗家共作  
大壑前石礪階陛欄楯仲氏宗家並受福賜復刊碑勒  
謀昭示來世俵著孟府君美勲於陽財紀祖壘所出口  
口口口官位宦學皆不可測子子孫孫必蒙大聖休烈  
之福以勸後進昌熾無極

釋

仲氏宗家爵名字不見於碑蓋多不勝載隸續有碑  
陰必是仲氏題名惜存其目而闕其文 案廟碑繫

以吉語蓋漢人文多如此史晨饗孔廟後碑於穆肅  
雍上下蒙福長享利貞與天無極西嶽華山廟碑遏  
攘凶札孳斂吉祥歲其有年民說無疆楚相孫叔敖  
碑縣興土熾孫氏蒙恩三公山碑長履景福子子孫  
孫白石神君碑子子孫孫永永番昌此類甚多不能  
備錄蓋岡陵山阜耆艾壽康雅頌所陳義關頌禱不  
必以諛辭斥之也若成陽靈臺碑末仲訢伯海從右  
中郎將遷鉅鹿太守仲球伯儀從太尉掾遷呂長仲  
選孟高辟司徒府遷從不絕皆興治大聖黃屋之力  
則詞義俱鄙而故民吳仲山碑末焉矣矣子孫萬  
歲子爲父墓立碑而繫以吉語文之不經莫大於此

此漢人之謬也

碑文詳書修廟人立廟碑人爵里姓名字例

樊毅修華嶽廟碑有漢元舅五侯之胄謝陽之孫曰樊

府君諱毅字仲德命守斯邦云云特部行事荀斑與縣

令先謙以漸補治設中外館云云於是功曹郭敏主簿

魏襲戶曹史許禮等遂刊元石銘勒鴻勛云云隸釋

下不書字者略之  
古文苑斑作班

有詳書修廟人爵里姓名字渾書立碑人者濟陰太

守孟郁修堯廟碑前見詳書修廟人爵里姓不及名字

者益州太守高朕修周公禮殿記碑云故府梓潼文

餘問云云郡將陳留高君節符典境云云隸釋案文君謂建武中益州太守文參高君即朕其不書

名字者並以其近而尊  
之亦以人所易曉也不別為例

碑中書修廟人爵里姓不書名字碑末補書名字

及子弟名字同修人名字例

韓勅修孔廟後碑魯相河南京韓君云云碑末府君諱

勅字叔節口口口字仲則弟口字子臺東海口敬謙

字季松河東臨汾人口口口字子睢漢中南鄭人長

史李亮字威明河南人故少府卿任城樊府君諱豹字

伯尹云云隸釋

隸釋曰樊豹書法獨與眾異當是魯之前相也

碑中書立廟人爵姓名同立廟人爵里姓名碑末

又詳載同立廟人爵里姓名字例

成陽靈臺碑於是故廷尉仲定圖立規塋興業會工前  
設大壑俟神之堂云云時濟陰太守魏郡審晃成陽令  
博陵管遵各遣大掾輔助仲君經之營之云云碑末濟  
陰太守魏郡陰安審君諱晃字元讓從公車令來成陽  
令博陵蠡吾管君諱遵字君臺從東明門司馬來丞穎  
川新汲尹茂字伯舉遷下邳尉尉穎川襄城楊調字君  
舉云云

隸釋

碑中書修廟立碑人爵里姓名字碑末書同修廟  
立碑人爵里姓名字例

仙人唐公房碑漢中太守南陽郭君諱芝字公載繕廣  
斯廟刻石昭音碑陰故江陽守長成固楊晏字平仲東

部督郵成固左介字元術云云

隸釋

有碑中書修廟人爵里姓名字碑末書同修人爵里

姓名字不及立碑人者西嶽華山亭碑

碑云宏農太守河南河南

樊君諱毅字仲德與合巴郡胸忍先謙公謀圖議繕碑末府丞勃海劉固叔長功曹史楊儒曼先云云

釋碑中書修廟人爵里姓名字碑末書立碑人爵里姓名

者祀三公山碑

碑云官云初四年常山相隴西馮君到

醴以寧其神云云碑末長史魯國顏口五官掾閣祐

云云刊石紀焉金石萃編翁氏方綱兩漢金石

記曰此與隸釋所載光和中四年三公山碑不同碑首

初字之上與隸釋所載光和中四年三公山碑不同碑首

四年按納醴碑文作禮碑中書立碑人爵里姓名碑

末書同立碑人爵里姓名字碑中書立碑人里姓名字

公神碑碑云朝歌長鄭彭豎碑廟堂之前碑末監犂陽營謁者豫章南昌李朝伯云云隸釋

三公山碑碑云元氏上郡白土樊璋字子儀立銘勒石碑末口長史甘陵夏方字伯陽云

云詳於鄭彬樊璋蓋彬璋自卑而尊人故李朝伯不較詳於夏方並詳其職與字也又碑文元氏下有

書名而夏方並詳其職與字也又碑文元氏下有

左尉二字子儀作子義長史上是時字當據改補不

別為例

碑中書立廟立碑人爵里姓名字碑末書立碑年

月日碑陰又詳書立碑人及年月日例

楚相孫叔敖碑固始合段君就其故祠為架廟屋立石

銘碑云云段君諱光字世賢魏郡鄴人碑末漢延熹三

年五月廿八日立碑陰延熹三年歲在口口中夏之節

政在封表期思長光視事一紀云云五月辛卯宜以存

廢可立碑祀云云時丞左馮翊姓如諱武尉京兆周陵

詳集共造戶曹掾袁騰令史許松隸釋

段君於碑陰將條列孫相後人昭穆爵里因復敘年

月為發端非與前文相複也

碑中書立廟人碑末書祭廟人例

桐柏廟碑南陽太守中山盧奴張君立廟桐柏春秋宗

奉云云碑末春侍祠官屬五官掾章陵劉訢云云秋五

官掾新野梁懿云云古文苑隸釋奪太守二字屬字訶張字野字

侍祠官屬猶言助祭人也漢書孝景紀丞相嘉等奏

曰諸侯王列侯使者侍祠天子所獻祖宗之廟張晏

說是也

碑中書立壇刊碑人年月爵里姓名碑末書前致祭人爵里姓名字今監立碑致祭人年月爵里姓名及同監立碑人例

帝堯碑熹平四年冬十二月濟陰太守河南張寵丞頴川李政成陽令陳國鄭真云云乃共立壇墀刊碑紀石碑末故濟陰太守劉邵字季承漁陽泉州人也出奉口當是錢字萬為祠醮遷中大夫後太守河南張寵出錢二千敬致禮祠臨立壇碑熹平四年十二月十日癸卯立時將作吏胡能守堯掾謂守堯廟仇伯云云隸釋碑中書祀廟人姓名碑末又稱頌祀廟人碑陰載

出錢立碑人姓名碑側又詳載立碑人例

蒼頡廟碑闕劉君諱口云云碑末劉府君大漢枝族應期作彌云云碑陰闕故督盜賊闕云云碑右側衙令朔方臨戎孫羨云云延熹四年九月乙酉詔書遷衙令五年正月到官奉見劉明府立祠刊石表章大聖之遺靈以示來世之末生謹出錢千百口者下行自紀姓名衙守丞臨晉張疇字元德云云碑左側議曹史蓮勺楊口云云金石萃編

吳氏玉搢金石存曰此碑頌乃衙令孫羨奉劉明府之令為之而碑陰兩側則備記孫令出仕始末及其掾屬所出錢數翁氏方綱兩漢金石記曰孫羨奉教



於劉明府而立此石劉蓋治左馬翊也

碑中書制器人爵里姓碑末補書名字及出錢人

爵里姓名字碑陰又廣載出錢人爵里姓名字例

魯相韓勅造孔廟禮器碑魯相河南京韓君云云碑末

韓明府名勅字叔節潁川長社王元君真云云王元以下凡八

人碑陰曲成侯王暹云云凡六十二人

王元不稱其職而列碑末曲成侯位尊而列碑陰此

蓋以出錢先後書之不以貴賤也

前官修廟後官立碑詳書修廟立碑年月及前後

官爵里姓例

東海廟碑惟永壽元年春正月有漢東海相南陽桓君

闕云云乃部掾何俊左榮闕殿作兩傳起三樓經構既

立事業畢成俊等鑄石欲闕榮非仁也故遂闕而不著

云云熹平元年夏四月東海相山陽滿君□□□□初

胸令闕云云惜勛績不著後世無聞遂作頌云云隸釋

隸釋曰永壽五年南陽君崇飾殿宇起三樓作兩傳

其掾屬何俊左榮欲為鑄石而南陽君止之厥後山

陽滿君踵其武嘉歎勛績為作碑頌

前官立碑未成後官成之詳書立碑前後年月日

及前後官爵里姓名字例

西嶽華山廟碑延熹四年七月甲子宏農太守安國亭

侯汝南袁逢銘勒斯石云云碑末袁府君肅恭明神易

漢石例卷之四

碑飾闕會遷京兆尹孫府君到欽若嘉業遵而成之延熹八年四月廿九日甲子就袁府君諱逢字周陽汝南女陽人孫府君諱璆字山陵安平信都人時令朱頡字宣得甘陵鄒人丞張舅字少游河南京人云云隸釋

碑文全錄狀牒末用讚銘載立碑人爵里姓名字及立吏舍人例

孔廟置守廟百石孔龢碑司徒臣雄吳雄字季高司空臣戒趙戒字意伯稽首言云云此三公奏狀元嘉三年三月丙子朔廿

七日壬寅司徒雄司空戒下魯相承書從事下當用者云云此朝廷牒郡國永興元年六月甲辰朔十八日辛酉魯相

平行長史事卞守長檀叩頭死罪敢言之司徒司空府云云此郡國上狀於朝讚曰魏魏大聖赫赫靡章讚僅相謂魯二句相相

乙瑛字少卿平原高唐人令鮑疊字文公上黨屯留人云云乙君察舉守宅除吏孔子十九世孫麟廉請置百石卒史一人鮑君造作百石吏舍功垂無窮云云隸釋

守長檀言試守邑長其人名檀未卽真也漢碑試用之官皆曰守仙人唐公房碑陰褒中守尉江陽守長

桂陽太守周憬碑陰滇陽守長酸棗令劉熊碑外黃守令雍邱守令守東昏長外黃守尉元儒先生婁壽

碑守長史掾守葉令公乘伯喬題名曹守長皆試用未卽真者也徵諸史漢其證甚多不可枚舉

碑文全錄狀牒末用讚銘載立碑人爵里姓名字

及立碑年月日與工師姓名例

無極山碑光和四年口月辛卯廿二日壬子太常臣耽  
丞敏頓首上尙書云云末云臣耽愚戇頓首頓首上尙  
書制曰可大尙承書从事闕月十七日丁丑尙書令忠  
奏雒陽宮光和四年八月辛酉朔十七日丁丑尙書令  
忠下光和四年八月辛酉朔十七日丁丑太常耽丞敏  
下常山相闕从事下承闕用者如詔書書到言昔在禮  
燕云云乃立碑銘德云云常山相南陽冠軍馮巡字季  
祖云云光和四年十月十三日口口石師口口造隸釋  
隸釋曰男子蓋高范遷請於太常乞官給珪璧四時  
祠具詔從之吏民更造廟宇而立此碑蔡質漢官典

儀曰司隸城門校尉上尙書言頓首上下言誠惶恐  
頓首上謁者上尙書頓首死罪上下言誠惶恐頓首  
死罪上今史晨樊毅兩碑皆用謁者式與蔡說合此  
碑再稱頓首太常稱臣而丞不稱莫詳其制案隸釋  
以此制爲莫詳非也後漢書胡廣傳注引漢雜事曰  
凡羣臣之書通於天子者四品一曰章二曰奏三曰  
表四曰駁議章者需頭稱稽首上以聞謝恩陳事詣  
闕通者也奏者亦需頭其京師官但言稽首以聞其  
中有所請若罪法劾案公府送御史臺卿校送謁者  
臺也表者不需頭上言臣某言下言誠惶誠恐頓首  
頓首死罪死罪左方下附曰某官臣甲乙上案此碑

首言頓首上即章之稱稽首上也末言頓首頓首即表之下言頓首頓首也蓋兼用章表式修建陂塘亦錄狀牒水經

注汝水篇云側陂南有青陂廟前有陂漢靈帝建寧三年新蔡長河南縣氏李言上請修復青陂司徒臣訓尚書臣龔奏可洛陽又案上二例大同小異若官于青陂東塘南樹碑

魯相史晨祠孔廟奏銘則全錄奏狀末用銘詞不載

立碑姓名碑云魯相臣晨長史臣謙頓首死罪上向書云去碑未昔在仲尼汁光之精云云

隸釋載此碑曰孔龔碑中吳雄奏章則云奏洛陽宮此亦奏贖乃去上尚書者郡國異於朝廷不敢直達帝所因尚書以聞也樊毅復華下民租田口

算碑則全錄奏狀末不用銘詞亦不載立碑姓名碑云

光祿二年十二月庚午朔十三日壬午宏農太守臣毅頓首死罪上尚書云碑末宏農太守上祠西嶽乞縣賦發差復華下十里以撰文者各有詳略故也內民租田口算狀隸釋

碑文敘子孫官爵及立廟立碑之由例

郡掾史張元祠堂碑掾孫翻出宰相邑遷太守得大夫之祿奉烝嘗之祀乃於是立祠堂假碑勒銘蔡中郎集

碑文末補書名字總書歷官及卒葬年月日例

太尉橋公碑公諱元字公祖少辟孝廉辟司徒大將軍

府為侍御史牧一州典五郡出將邊營入掌機密歷三

卿同三司享年七十五光緒七年夏五月甲寅以太中

大夫薨於京師九月乙酉葬於某所蔡中郎集

碑陰詳列世次例

楚相孫叔敖碑陰相君有三嗣長子即封食邑固始少子在江陵中子居三口云云相君卒後十有餘世有渤

海太守云云

金石錄案全文載隸釋

金石錄曰孫叔敖碑陰敘子孫名字甚詳隸釋曰段光以其雲來長幼之序仕學生產之實刻于碑陰雖自譜其家者亦如是之詳隸釋又載安平相孫根碑陰載根子孫名甚眾而訂為吳晉間書故不錄按墓碑亦有此例水經注洛水篇又東北逕三王陵三王或言周景王悼王定王也今陵東有石碑錄赧王以上世王名號考之碑記周墓明矣附錄於此

碑陰條列價直例

任君殘碑陰云云直千二百云云直九百隸續

隸續曰蓋是記繕修所費豈任君有祠而邦人尊事

之乎案道路碑亦書價直郟縣二碑是也

隸續載建平郟縣碑

云長廿五丈賈二万五千陶氏宗儀古刻叢鈔載郟縣磨厓碑云攻此石省三處闕直錢萬二千

例不更見

碑陰分書治黃屋作碑出錢人爵姓名字例

成陽靈臺碑陰司徒掾仲選孟高出錢云云凡二十八人仲氏二

十六人異姓二人右仲氏門宗前所會計治黃屋出錢名司徒

掾仲選孟高出錢云云凡十五人仲氏十三人異姓二人右仲氏宗門

所會計立作石碑誦出錢名隸釋

德政碑例

額稱循吏例

漢循吏故聞憲長韓仁銘金石萃編

金石圖曰此移下河南尹之令牒以上表下宜稱名  
故曰韓仁又銘者論譔其德善而明著之者也刊石  
以名仁之美斯銘稱焉雖其文辭不叶于聲詩固無  
害其爲銘也

額兼二職例

漢故穀城長蕩陰令張君表頌

金石萃編

此張遷碑也功德碑皆所蒞之吏民立故額祇載其所蒞之官不兼敘其前後官也此額兼二職與常例異

稱功德敘例

巴郡太守張君碑其前題巴郡太守都亭侯張府君功

德敘錄

金石錄

金石錄曰碑無卒葬年月其後頗敘述政績而繫以銘詩蓋德政碑爾案此碑無額而自標題其首行已見墓碑例不稱碑銘而稱功德敘者釋名敘抒也抒泄其實宣見之也

稱功勳銘例

桂陽太守周憬功勳銘

隸釋 周府君頌然不明言其額所書

如何今從隸釋

稱清德頌例

柘令許君清德頌

水經注陰溝水篇

德政碑稱頌常例也後漢書馬援傳棧遷廣陵太守

吏民刻石頌之何做傳遷汝南太守吏人共刻石頌  
做功德是也

生稱諱例

溧陽長潘乾校官碑潘君諱乾字元卓隸釋

邵陽令曹全碑君諱全字景完金石文

案生而稱諱此二碑外有推尊其舉主而稱之者三

公山碑碑末云舉將南陽冠軍君有推尊其祭廟修

廟守令而稱之者樊毅修華嶽廟碑碑云宏農太守

字仲德隸釋濟陰太守孟郁敬達碑成陽靈臺

釋又載華山亭碑同濟陰太守孟郁敬達碑碑云

太守河南孟府君諱郁字敬達碑碑云成陽靈臺

孔廟後碑碑云相河南史西嶽華山廟碑碑云袁府

周陽孫府君諱晨字伯時碑云漢中太守南陽楚

相孫叔敖碑碑云時丞左馬翊姓如有推尊其立碑

人而稱之者都鄉孝子嚴舉碑碑陰云向主吏諱

及督郵候掾金石錄曰春秋左氏傳周人以諱事神

名終將諱之禮卒哭乃諱鄭氏謂敬鬼神之名也諱

避也生者不相避名衛候名惡大夫有石惡君臣同

名春秋不非又漢宣帝元康二年詔曰聞古天子之

名難知而易諱也今上書觸諱以犯罪者朕甚憐之

其更諱詢蓋卒哭而諱其名實始於周而生死皆稱

諱西漢已如此然則生曰名死曰諱又出於近世也

日知錄曰蜀志劉豹等上言聖諱豫觀許靖等上言  
名諱昭著晉書高頴言范伯孫名諱未嘗經於官曹  
東督勸農賦條牒所領注列名諱王褒洞簫賦幸得  
諡爲洞簫兮李善注諡者號也號而曰諡猶之名而  
曰諱者矣 又案潘乾爲溧陽長而碑稱校官者兼  
學校之職也水經注沔水下云陰縣東有縣令濟南  
劉熹字德恬魏時宰縣雅好博古學教立碑載生徒  
百有餘人此亦潘乾碑之類也隸釋曰學師宋恩等  
題名稱師者二十人易師三人尙書師三人文學師  
四人碑文多闕隸釋據其文之尙存者言漢永平中嘗爲四姓小侯立  
學置五經師此則蜀郡諸生也然則此所云師猶今  
授讀之師非學官也

生稱誦例

溧陽長潘乾校官碑誄曰溧陽長潘君云云

隸釋

翁氏方綱兩漢金石記曰碑以前半敘事之文曰曰  
誄而以後半有韻之文曰曰敘亦變例也錢氏大昕  
潛研堂金石文跋尾曰釋名誄累也累列其事而稱  
之也廣韻誄壘也壘述前人之功德也誄本爲哀死  
而作今縣民頌其長而稱誄雖亦累德之詞然失其  
義矣武氏億授堂金石跋曰周禮大祝作六辭以通  
上下親疏遠近六曰誄注誄謂積累生時德行以錫  
之命主爲其辭也疏此六辭者皆爲生人作辭無爲



死者之事是誄之名施於死生而通之殆如考妣嬪  
可兼生稱也論語誄曰禱爾于上下神祇孔氏注云  
誄禱篇名說文引此作諱亦云纍功德以求福從言  
纍省聲推之此碑吏民頌其生君於義固無嫌哉段  
氏玉裁說文解字注曰諱施於生者以求福誄施於  
死者以作諡論語之誄曰字當從囀毛傳曰喪紀能  
誄字當從耒周禮六辭鄭司農注二字已不分矣案  
碑文作誄義則作諱漢人假借字也翁氏錢氏據碑  
文作誄以爲不當施於生者武氏段氏據文義作諱  
以爲當施於生者按說文諱禱也誄諡也二字各別  
武氏段氏所言是也

碑中書立碑年月立碑人爵里姓名字碑陰又詳  
載立碑人爵里姓名字及工師里姓名字例

桂陽太守周憬功勳銘於是熹平三年歲在攝提仲冬  
之月曲紅長零陵重安區祉字景賢遵承典憲宣揚德  
訓乃與邑子故吏龔臺郭蒼龔維等命工擊石建碑於  
灕上勒銘公功云云碑陰故曲紅長零陵重安區祉字  
景賢云云工師南陽宛玉遷字子彊隸釋

碑中書立碑人姓名碑陰又詳列立碑姓名其碑  
中所書立碑人惟一人重書餘不重書碑陰未書  
年月日又繫以吉語例

巴郡太守張納碑故太尉掾王口口口府丞李元掾史

張勤黎景馮經趙中毋俊蒲勝猶潭等庶慕奚斯口口  
之義共論敘紀著休烈刊口口頌云云碑陰益州從事  
宕渠李元字次公云云碑陰末中平五年三月上旬書  
君升台祚承天百福子孫千億

隸釋

隸釋曰此碑乃掾屬李元等爲之碑陰各書曹掾之  
職而不稱故吏則是張君在郡之日所立案碑文中  
立石人惟李元再見於碑陰餘不重見豈此碑之立  
李元倡之抑出錢獨多耶

碑中詳書先世名爵功烈碑末書年月日及立碑  
人姓名繫以吉語碑陰又詳載立碑人姓名例

邵陽令曹全碑其先蓋周之冑武王秉乾之機翦伐殷

商旣定爾勲福祿攸同封弟叔振鐸於曹國因氏焉秦  
漢之際曹參夾輔王室世宗廓土斥竟子孫遷於雍州  
之郊分止右扶風或在安定或處武都或家隴西或居  
燉煌枝分葉布所在爲雄君高祖父敏舉孝廉武威長  
史巴郡胸忍令張掖居延都尉曾祖父述孝廉謁者金  
城長史夏陽令蜀郡西部都尉祖父鳳孝廉張掖屬國  
都尉承右扶風隃麋侯相金城西部都尉北地太守父  
琫少貫名州郡不幸早世云云碑末門下掾王敞等嘉  
慕奚斯考甫之美乃共刊石紀功其辭云云君高升極  
鼎足中平三年十月丙辰造碑陰故三老商量伯祺云

云金石文  
字記

蕩陰令張遷表君之先出自有周宣王中興有張仲以  
 孝友為行披覽詩雅煥知其祖高帝龍興有張良善用  
 籌策在帷幕之內決勝負千里之外析珪於留文景之  
 間有張釋之建忠弼之謨帝遊上林問禽狩同所有苑  
 令不對更問嗇夫嗇夫事對於是進嗇夫為令令退為  
 嗇夫釋之議為不可苑令有公卿之才嗇夫喋喋小吏  
 非社稷之重上從言孝武時有張騫廣通風俗開定畿  
 寓南苞八蠻西羈七戎北震五狄東勤九夷荒遠既殞  
 同賓各貢所有張是同輔漢世載其德云云碑末惟中平  
 三年歲在攝提二月震節紀日上旬陽氣厥析感思舊  
 君故吏韋萌等僉然同聲賃師孫興刊石立表以示後

昆共享天祚億載萬年碑陰故安國長韋叔珍

案說文珍寶也

从王參聲珍必是珍字云云金石萃編

王氏世貞弇州山人四部稿曰良韓人釋之南陽堵

陽人騫漢中人宗系絕不相及文人無實乃爾翁氏

方綱兩漢金石記曰碑合表頌僅五百言而敘張氏

先世事乃至三之一亦似太煩案張遷碑遷陳留

已吾人而泛引張氏誠如弇州所譏然亦可備一例

碑中既詳載立碑人碑末書年月日又於立碑人

中序其世系學業功德作詩稱美例

成陽合唐扶頌於是故從事仲字仲授張射萬龍督郵

仲規郡掾閭葵口仲瑄處士王口董頌閭葵斑等乃共

刊石樹頌歌君之美云云碑末光和六年二月壬午朔  
廿五日丙午處士間葵斑戀念唐君爲立碑口斑字宣  
高修春秋嚴氏大子讓公謙襲斑業次龔叔謙治尚書  
歐陽次廉仲絜小夏侯耽經史兮履仁義內和睦兮外  
奔赴呂家財兮讚君號諸學口兮相埤助垂後世兮丕  
之譽隸釋

碑文全錄合牒例

聞熹長韓仁銘熹平四年十一月甲子朔廿二日乙酉  
司隸云云仁前在聞熹經國以禮刑政得中云云表上  
遷槐里令除書未到不幸短命喪身云云書到遣郡吏  
呂少牢祠云云河南尹云云如律令金石萃編

金石存曰如律令三字蓋漢人公移中語史記儒林  
傳序述所載詔書前漢書朱博傳博口占檄文陳琳  
爲袁紹檄豫州文東觀餘論所載漢破羌檄有此三  
字

碑末續書官階仕蹟附載詔書例

稟長蔡湛頌末君德含洪有君子道四焉聖朝明哲以  
爵寵賢光和四年十一月甲口詔書拜并州刺史隸釋

栗尹等共刊斯石頌後又誌其并州之除蓋續書也  
墓闕例

稱先靈例

王稚子闕銘漢故先靈侍御史河內縣令王君稚子闕  
金石錄 盧氏見曾校刻金石錄自注云先一作光案  
作先是隸釋亦作先金石錄云後漢書循吏傳渙嘗為  
温令而刻石為河內令史之誤隸釋云温者河內之邑  
河內是郡名無令也碑云河內縣令者以郡為尊蓋謂  
河內之縣令  
爾即温也

靈義見卷一靈表例

稱神道例

馮使君墓闕漢故尚書侍郎河南京令豫州幽州刺史  
馮使君神道金石錄

此常例不備錄神道義見卷一神道碑銘例亦稱墓  
道隸釋漢故益州太守楊府君諱宗字德仲墓道是  
也金石錄作墓亦稱神道封陌金石錄漢故蜀郡蜀

國都尉王君神道封陌是也

周禮冢人以爵等為上  
封之度注王公曰上諸

臣曰封說文路東西為陌南北為阡  
然則神道封陌為神道前上封之路廟闕亦稱神

道金石文字記載少室神道石闕銘曰興治神道後

漢書龐公傳注引襄陽記曰建武中襄陽侯習郁立

神祠於山刻二石鹿夾神道口俗因謂之鹿門廟遂

以廟名山也附誌於此

書爵姓名

趙相闕銘漢故趙國相離府君之闕

金石錄

此常例不備錄墓闕與碑額例同當云某朝故某官

某君之闕或稱府君使君或稱神道墓道皆正例也

上文馮使君  
墓闕例同

金石錄載漢蜀郡太守任君神道隸釋

載清河相宏農太守張君墓口當是廣漢縣竹令王

君神道金石錄作廣漢縣竹令王道字廣漢縣竹令王

太守金君闕或無故字或無漢故二字皆非正例其

較此例而加詳書字者則上文王稚子闕及隸釋所

載故上庸長司馬君孟臺神道是也隸續載楊文父

中文父之神道冠其姓於加詳書名字者上文注中

楊宗字德仲墓道是也其較此例而略但書姓名字

不書官者隸釋所載高直闕云漢故高君諱直字文

玉是也其略之甚者但書姓隸釋所載韋氏神道是

也案墓域若無碑書官爵名字於闕亦變例之正若

有碑已載而復書闕可謂冗矣若去其官爵而但書

姓名簡略太甚不可為法水經注濟水二穀城西北

尚存題曰項王之墓此金石錄逢府君墓石柱文

漢故博士趙傅逢府君神道此亦闕類附錄於此

### 書爵省文例

益州太守高頤墓闕益州太守陰平都尉武陽令北府

丞隸釋

右侍墓闕漢右侍之墓隸續

隸續曰漢官有左右署侍郎此省文漢人題闕作碑

多省文如郭仲奇為北軍中候而碑中省其北字案

碑二云拜軍中候後碑云北高頤作北部府丞而題闕

省其部字案題闕字大碑小其省文亦變例之正若

漢石例卷之四  
郭仲奇墓碑中不應省文故墓碑不著此例

詳書世系略載宦績例

趙相雍勸闕高祖父諱竇字伯著孝廉河南令侍御史  
九江太守□□□君子望字伯桓右校令望子陟孝廉  
胸忍令□□□□陟弟朗字仲昂孝廉宏農令武都  
太守朗弟勸字叔□孝廉成臯令趙國相勸子煜字稚  
□孝廉資中長江令□□□都尉自右校君以舊墓在  
水闕而墳墓多地勢□□□□斯造墳壠樹碑銘至  
趙國府君在官五載莅政清平有甘棠之化年卅五卒  
於官故吏民漢中太守邯鄲□□□□等慕戀恩德刊  
石稱頌焉隸釋

隸釋曰右漢故趙國相雖府君之闕十隸字趙氏以  
此爲碑而謂前十字爲闕予考其文蓋題闕之文非  
墓道之碑邱中之銘也

書卒葬年月日例

郟令景君闕銘維元初四年三月丙戌郟令景君卒錄  
以五年二月□□□□隸釋

隸釋載此碑文有祖載之日游魂象生等句則五年  
二月以下當是葬日

書立闕年月日及子弟建闕人石工人例

武氏石闕銘建和元年太歲在丁亥三月庚戌朔四日  
癸丑孝子武殆公弟綏宗景興開明使石工孟季季弟

卯造此闕直錢十五萬金石錄

書弟姪官爵學行例

武氏石闕銘公弟開明開明子宣張仕濟陰年二十五

曹府君察舉孝廉除敦煌長史被病云破苗秀不遂鳴

呼哀哉同上

兩闕一書姓名里一書官爵例

不其令童恢闕一書童恢琅邪人一書漢故不其令童

君隸釋

兩闕分書官爵一書姓及立闕年月日一不書例

路君闕銘一書會稽東部都尉路君闕永平八年四月

十四日庚申造一書故豫州刺史温令元城令公車司

馬令開陽令謁者議郎徵試博士金石錄隸續故

兩闕分書官爵一書姓名字一書姓例

太尉劉寬闕一書漢太尉劉公諱寬字文饒一書漢太

尉車騎將軍特進昭烈侯劉公神道隸續

有分書官爵同書姓字者王稚子闕銘一書漢故先

內縣令王君稚子闕一書漢故兖州分書官爵同書

刺史洛陽令王君稚子之闕隸釋姓者沈府君神道碑一書漢謁者北屯司馬左都侯



姓者沈府君神道碑一書漢謁者北屯司馬左都侯分書官爵一書姓名字一書姓字者

益州太守高頤闕一書漢故益州太守武陰令上計

一書漢故益州太守陰平都尉武陽令文有詳略無

義例也





Multiple columns of faint, vertical text are visible on the right page, likely bleed-through from the reverse side of the leaf. The text is mostly illegible due to fading and the texture of the paper.

